

جريدہ عدلیہ

دوبئی سنہ

۳ ربیع الآخر ۱۳۳۲ ۵ شباط ۱۳۲۰

نومبر ۱۲۵

پیشہ

قِسْمِ سِیَّاسِی

نوبہات عدلیہ

اودہ مش قضاسی بدایت محکمہ سی ریاستہ اردو قضاسی بدایت محکمہ سی رئیس سابق حافظ رفیق و بعلک قضاسی بدایت محکمہ سی ریاستہ طلیہ سویدہ قضاسی بدایت محکمہ سی رئیس عبدہ روحی و بیکار حصار قضاسی بدایت محکمہ سی حاکم معاون لکنہ پرشتہ قضا بدایت محکمہ سی مدعی عمومی معاون لکنہ آچقہہ قالان احمد حمدی و خوپہ قضاسی بدایت محکمہ سی مدعی عمومی لکنہ در سعادت مکتب حقوقدن علی الاعلی درجہدہ مآذون مصطفی و صاروخان سنجانی بدایت محکمہ سی اعضاسندن لئون افدینک عزلیہ یرینہ اودہ مش قضاسی بدایت محکمہ سی رئیس اسماعیل حق و عکا سنجانی بدایت محکمہ سی اعضاسندن توفیق افدینک وقوع وفاتہ مبنی یرینہ جدہ سنجانی بدایت محکمہ سی اعضالغندن مستغنی عزالدین و حافق قضاسی بدایت محکمہ سی مستنطقی مصطفی نوری افدینک استعفا سی حسینیلہ یرینہ بولی قضاسی بدایت محکمہ سی مستنطق سابق رمزی و تیرہ بولی قضاسی بدایت محکمہ سی مستنطق اسماعیل جمیل افدینک وقوع استعفا مبنی یرینہ مکتب مذکور دن اعلی درجہدہ مآذون خلیل صدق افدیلر نقل و تمین ایدلشردر .

بوارادہ سنہ نک اجر اسنہ عدلیہ ناظری مأموردر . ۸ ربیع الاول ۱۳۳۳ ۱۱ کانون ثانی ۱۳۳۰

محمد رشاد

صدراعظم
محمد سعید

عدلیہ ناظری
ابراہیم

*
*
*

عدلیه نظارتی هیئت تفتیشیه ریاستی رفاقتیه در سعادت و پارس حقوق کتبلرندن مأذون اولوب مأموریت مذکورده و کالاه مستخدم بولنان کاظم بک تعیین اولمشدر .

بواراده سنیه نك اجراسنه عدلیه ناظری مأموردر .

۸ ربیع الاول ۱۳۳۳ ۱۱ کانون ثانی ۱۳۳۰

محمد رشاد

عدلیه ناظری
صدا عظم
ابراهیم محمد سعید

* *

پیکار حصار قضاسی بدایت محکمه سی حاکم معاونی احمد حمدی و سرای قضاسی بدایت محکمه سی حاکم معاونی جذبی و آچه آباد قضاسی بدایت محکمه سی حاکم معاونی داود فخری افندیلر اشبو قضا لک تابع اولدقلری الویه یه مربوط قضا لک بدایت محاکمی نزدنده عندالاقضا مستطوق وظیفه سنی ایفایه مأذوندر .

بواراده سنیه نك اجراسنه عدلیه ناظری مأموردر .

۱۲ ربیع الاول ۱۳۳۳ ۱۵ کانون ثانی ۱۳۳۰

محمد رشاد

عدلیه ناظری
صدا عظم
ابراهیم محمد سعید

* *

غنائم بحریه دیوان استینافی اعضالغنه شورای دولت اعضاسندن شادان و هرا ند اصادور بکلر تعیین اولمشدردر .

بواراده سنیه نك اجراسنه شورای دولت رئیس وکیلی وعدلیه ناظری مأموردر .

۱۵ ربیع الاول ۱۳۳۳ ۱۸ کانون ثانی ۱۳۳۰

محمد رشاد

شورای دولت رئیس وکیلی وعدلیه ومذاهب ناظری
صدا عظم
ابراهیم محمد سعید



37

تبلیغات عثمرب

عمرلیه نظارت جلیلدرسنده نسطیر اولنانه ۲۸ ثانوه اول سنه ۳۳۰ تاریخلی خبررات عمومیه صورنیردر :

« ممالک اجنبیه ده بولنان اشخاص مظنونه یه تبلیغ اولنلق اوزره کوندریلن اوراق عدلیه ده مرسل الیهرک اسم و لقبایرنک موضحاً بیان ایدلسی لزومنه داتر »

ممالک اجنبیه ده بولنان اشخاص مظنونه یه تبلیغ اولنلق اوزره کوندریلن اوراق عدلیه ده اشخاص مذکورده نك اوصاف و هویتلرینک لایقوله محرر بولنامسی تبلیغاتک ایفا ایدیلهمامسنی و بعضاً ده یا کلش معامله وقوعنی و بالنتیجه مخبراتک تمادیسيله اساس مامله نك تأخرینی استلزام ایلکده بولندیغندن تواریخ مختلفه ده تعمیماً توصیه واشعار قلندیغنی وجهله بوکی اوراق عدلیه ده مرسل الیهرک کندی اسملریله پدرلری اسملرینک وصنعت و لقبایری ایله دیگر اوصاف فارقه لرینک و اساساً هانکی شهر وقصبه وقریه اهالیسندن اولوب الیوم ممالک اجنبیه نك هانکی قطعه سنده و هانکی شهر ویا قصبه نك نره سنده اقامت ونه ایشله اشتغال ایتدکلرینک موضحاً درجی و آدرسک لاتین حروفیله محرر نسخه سيله تبلیغ اولنه جق اوراق عدلیه نك فرانسزجه خلاصه ترجمه لرینک برلکده ارسالی خصوصنه دقت و اعتنا ایدلسی بو کرده بالعموم استیناف مدعی عمومیا لکیرینه تبلیغ قلنمش اولمغله بعدازین بودا ئره ده ایفای معامله یه اهتمام اولنسی . . .

محکمہ نمیز مفراتی

محکمہ نمیز مفراتی

محکمہ نمیز مفراتی دأره سنده صادر اولوب ۵ ثانوه اول سنه ۳۳۰ تاریخنده قراری ویریلده اعلام صورنیردر :

« بر دین مدیون اوزرینه مضمون اولمادیغنی تقدیرده کفیللرک مسئولیتی اقتضا ایتمه چکنه داتر »

انقره ولایتی داخلنده ایش قصبه سنده متمکن فتحاه حاجی محمد افندی زاده سید وحاجی موسی زاده حاجی شکری افندیلرله انقره نك خواجه هندی محله سنده مقیم سرعطار زاده متوفی احمد افندی زوجہ سی متوفاه رمیه خانم ایتامک وصیسی محمد افندی بیتنده متکون دعوا یه داتر انقره ولایتی استیناف حقوق محکمه سندن ۱۰ تشرین ثانی ۳۳۰ تاریخلی و آلتی عددی ایله ویریلوب مومی الیها سیدوشکری افندیلر طرفندن

تمیزاً تدقیق استعدا قلنان اعلام باش مدعی عمومیک مأموریت علیه سنک مطالعه نامه سی آئندقدنصکره طرفینک اعتراض وجواب لایحه لریه برابر بالمطالعه تدقیقات تمیزیه اجراسنه ابتدار اولندی .

اعلام مذکور مندرجانه کوره دخی مرقوم محمد افندی انقره مرکز بدایت محکمه سنه باعرضحال مراجعتله متوفی احمدافندی زوجه سی رمیه خانمک برقطعه سند موجبجه ومومی الیها سید وشکری افندیلر کفالتیه جهت قرضدن حسن افندی ذمتنده آلاچی اولان اوچوز سکسان اوچ عدد لیرای عثمانیک افندی مومی الیهک وفاتی وقوعه کلسی حسیله استیفاسنه موفوق اوله مامش ومبلغ مذکور بحسب الورثه ایتام مرقومه یه انتقال ایتمش اولدیغندن بحثله بحسب الکفاله مومی الیها سید وشکری افندیلردن مع فائض واجرای موقت تحصیلی طلب ودعوی ومذکور سندی ابراز واعطا ایتسنه قارشو مدعی علیها سید وشکری افندیلر دخی طلب ایدیلان ایچه ایتامک والده لری رمیه خانمدن موروث اولدینی ومدیون حسن افندی دخی وفات ایتدیکی جهته ترکعه سی اولاد اصغارینه عائد اولوب والده لری منیره خانم وصیلری بولندیغنی وهرایکی طرف صغیر اولوق حسیله دعوی واقعته فصل وحسمی محکمه شرعیه یه عائد ونظام محکمه سنک وظیفه سنندن خارج ایدوکنی واساس مدعی قرض اولمایوب متوفاه رمیه خانمه پدرندن موروث املاک وارضی وسائرده کی حصه ارثیه سی علی طریق التخرج اوچوز سکز لیرا مقابلنده برادرلری مدیون حسن افندی یه ترک وفراغ ایدرک معامله سنک اجراسنی تعهد ایتدیکنی وذمتی ابرا ایتمش اولغله برابر معامله فراغیه اجرا ایدلسکسزین رمیه خانمک وفاتی وقوعه کلس اولدینی وشو صورتله مدیون حسن افندی اوزرینه مضمون بربورج اولمادیغنی ومستند ادعا اولان سندک دخی حکمی قالمدیغنی ووصی مزبورده منیره خانمک یدنده موجود اولوب متوفیه رمیه خانم طرفندن متوفی حسن افندی یه حال حیاتنده ویریلان وعین سند تاریخیله مؤرخ اولان ابرانامه مندرجاتیه صدق مدعای متحقق اولدینی ومدیونک براتی کفیلک براتی موجب اوله جنی جهته اصول محاکمه حقوقیه قانوننک یوز اون بشنجی ماده سی موجبجه وصی مزبورده منیره خانمک دخی شخص ثالث صفتیه اشبو محاکمه یه ادخالی لازم کله جکی کی مدیونک تاریخ وفاتندن اعتباراً فائضک دخی منقطع اوله جنی مدافعه انیا ایتدکن وشخص ثالث صفتیه مزبورده منیره خانم دخی رمیه خانمک ایتامی نامه کفلاسی علیه اقامه اونوب الیوم محاکمه سی اجرا قلمقمده اولان دعوی مذکورده وصیسی بولندیغنی مدیون حسن افندینک ایتامی حقوقه طوققمده اولدیغندن وخصوصیه میدانده ابرای ناطق برقطعه سند دخی بولدیغندن بحثله کندوسنک داخل محاکمه ایدلسنی باعرضحال ادعا ومذکور ابرا سندی ابراز وارائه ایلدکن وبالتذکر اساس دعوی اقراض واستقراضدن عبارت اولدینی جهته مدعیلرک وظیفه ادعایله شخص ثالث مزبورده منیره خانمک دخول فی الدعوی عرضحالک ردینه قرار ویرلدکنصکره اساس دعوی حقنده جریان ایدن محاکمه وتدقیقات نتیجه سنده مدعی محمد افندینک تحت وصایتنده بولنان ایتامک والده لری متوفیه رمیه خانمک مدعی علیها حاجی شکری وسید افندیلر ذمتنده جهت کفالتدن باسند اوچوز سکسان اوچ لیرا الاجنی

اولدینی مدعی علیها نیک عندالحاکمه وقوعبولان اقراریه تحق ایتمش اولدیغندن مجله نیک بیک سکز یوز اون یدنجی ماده سی موجبجه مبلغ مذکورک بحسب الکفاله مدعی علیها نیک تحصیلیه مدعی یه اعطاسنه و جدید ومراجحه نظامنامه سنک دردنجی ماده سی موجبجه مبلغ مذکورک سندده کی انقضای مدت تاریخدن بالاعتبار مدیون حسن افندینک تاریخ وفاتنه دکن گذشته یوریدلسنه واندن صکره کی مدت ایچون گذشته نیک اقطاعنه وحکم واقعک موقتاً اجراسنه دائر محکمه مذکورده دن ویریلان اعلام علیه نده مومی الیه حاجی شکری وسید افندیلرله وصی منیره خانم طرفلردن ابروایرو اقامه اولنان استیناف دعواسنک یکدیگرینه ارتباطی حسیله توحیداً رؤیتی قرارگیر اولدقدنصکره اساس ماده حقنده اجرا قلنان محاکمه وتدقیقات استینافیه نتیجه سنده دعوی ترکیه اضافتله ورثه دن اولمایوب انجق بر حیات اولان کفیلر علیه نده اقامه اولمش اولدینی حالدله رأس الملک اصل مدیون اولدینی بیان ایدیلان حسن افندینک وفاتنه دکن گذشته سنک قبولیه مومی الیهک وفاتندن صکره کی گذشته نیک عدم قبولنک یولسراغندن دولای اعلام مستأنف بهک بونقطه یه عائد قسمنک تعدیلنه وکفلا ایسه کرک بدایه وکرکسه استینافاً اعطا ایتدکری لایحه جوابیه لرنده کفالتلرینی اقرار ایلرینه واعلام مبعوث عنده مندرج اساس دین سندنک کفالت شرحنده ایسه مکفول بهی مع فائض تأدیه ایده جککرینی شرط وتعهد ایتلرینه وشرطه بقدرالامکان مراعات اولنق لازم کله جکنه ودعوی حاضرده دن هنوز شخص ثالث حقوقه تأثیرایدنر برجهته بولمادیغنه واجرای موقت حکمی ده اسباب ثلاثه قانونیه دن برینه مستند بولندیغنه مبنی اعلام مذکورک اقسام سائر سنک تصدیقه ومبلغ مدعایک انقضای وعده دن بالاعتبار حین تسویه سنه دکن جدید مراجحه نظامنامه سی موجبجه رأس المالی تجاوز ایتامک اوزره گذشته نظامیه سنک یوریدلسنه حکم وقرار ویرلدیکی اکلاشلمشدر .

مستدعی تمیزلرک اشبو حکم علیه نده لایحه لرنده محرر اعتراضلرینک خلاصه سی داین ایله مدیونک وفات ایدرک وارثلرینک صغیر اولملری حسیله دعوی حاضرده فصل وحسمی محکمه شرعیه یه عائد ونظام محکمه سنک وظیفه سنندن خارج اولدینی کی مبرز ابرانامه ده کوسرلدیکی وجهله مستند ادعا اولان سندده محرر مبالغک املاک وارضی بدلی اولدینی وبونلرک هنوز معامله فراغیه سنک اجرا قلمدیغنی وشو صورتله سندک حکمی قالمدیغنی حالدله کرک درجه اولی وکرکسه درجه ثانیه محکمه لرنجه بورالرینک نظراعتباره التامسی احکام قانونیه یه منافی اولدیغندن بحثله اعلامک تقضی وجواب لایحه سی مؤداسی دخی اعتراضات مسروده نیک واهی وبی اساس اولدینی بیانیله ردی وموافق اصول وقانون اولان اعلام مذکورک تصدیقی استداسندن وائف الییان مطالعه نامه مألیده لایحه تمیزیده کرک وظیفه وکرک جهات سائر حقنده سرد ایدیلان اعتراضات موافق اصول وقانون اولان اعلام میز به مندرجات کوره غیر وارد اولدینی بیانندن عبارت بولمشدر .

اول امرده مستدعیلر طرفندن وظیفه حقنده درمیان اولنان اعتراضات بالتدقیق ردینه اتفاقله قرار ویرلدکنصکره اساس ماده نیک ایجابی مذاکره اولدقدن متوفاه رمیه خانمک مهر وامضاسنی حاوی بولندیغنی

ادعا اولنان ٢٨ شباط سنه ٣١٩ تاريخي ابرنامه مندرجاتي مومي اليه انك وكيلى ارمناك
افندي طرفندن اعتراف اولنقده ايسهده كرك وصي وكرك وكيلىك صغار عليهنه وقوع بولان اقرارلري
معتبر اوله ميه جفتدن سند مذكور زيرنده كي مهر و امضاتك اصولاً تحقيق اولنهرق متوفاة مومي اليه عائد
اولديني تين ايتديكي حالده مذكور اوچيوزسكسان اوچ عدد عثمانلي ليراسني مجلس عقدده تركيه واضع ايد
بولنان قرداشي حسن افنديدن اخذ وقبض ايتدكدن صكره يدنه ويرديكي عين تاريخ ايله مؤرخ سند
موجبجه قرداشي مومي اليه اقراض ايلديكندن مورثلردن كنديسنه اصابت ايدن حصص شايه يي قرداشي
حسن افندي يه مأموري حضورنده مجانباً فراغ ايدكده دائر اقرار صريحي حاوي اولمسنه وفي الحقيقه
مذكور قرض سندی دخي كذا ٢٨ شباط سنه ٣١٩ تاريخي محتوي بولمسنه نظراً قرضاً ويرلديكي بيان
اولنان مبالغه مذكوره نك بدل صلحدن عبارت اولديني ومومي اليه رمية خانمك تعهدى وجهله عقارات مزبوره ده كي
حصه لري حسن افندي يه فراغ ايتمكسزين وقت ايتش اولديني حالده صلحك باطل وبدلك فضولى اولهرق
ويرلمش اوله جني دركار وبردین مديون اوزرينه مضمون اولماديني تقديرده كفيللرك مسئوليتي اقتضا
ايتيه چكي بديدار بولمش اولديغندن استيناف محكمه سنجه مذكور سند مندرجاتي نظراعتباره النهرق زيرنده كي
مهر و امضا حقتده تدقيقات لازمه اجرا و مزبوره رمية خانمك قبل الوقات تعهدى وجهله املاك و اراضيده كي
حصص مصيبه سني برادري حسن افندي يه مأموري حضورنده فراغ ايدوب ايتديكي تحقيق اولنقسزين
اعلام ابتدائيك تصديقه قرار ويرلسي ابواسر ومغاير قانون اولديغندن اصول محاكمه حقوقه قانونك ايكي
يوز اوتوز ايكنجي ماده سي موجبجه اعلام مذكورك نقصيله قانون مذكورك ايكي يوز قرق دردنجي
ماده سنك فقره اولاسي حكمنه توفيقاً كيفيتك صورت محرره دائره سنده بالرؤيه اعلامه ربطى ضمنده محكمه
مذكوره يه اعاده سنه واشبو تميز دعواسندن طولاني اختيار اولنوب زيرده مفردات ومعطيسي كوستريلان
مصارف تميزيه نك ايلورده حقسز حيقه جق طرفه عائد اولمسنه ٥ كانون ثانی سنه ٣٣٠ تاريخنده اكثريله
قرار ويرلدى .

محكمه تميز مقوم دائره سنده صادر اولوب ١٣ كانون ثانی سنه ٣٣٠ تاريخنده قرارى ويريلورده ١٨٠٤ نومرولى
اعلام صورتيه :

« اجر مثل حقتده »

بغدادك قريه باشي محله سنده مقیمان قارنيك ولد آغوب ايله عبدالقادر چلبی افندي ميانه سنده متكون
دعوايه دائر بغداد ولايتي استيناف محكمه سندن ٥ مارت ٣٣٠ تاريخي وايكي عدليه ويريلوب مرقوم قارنيك
طرفندن تميزاً تدقيق استعدا قلنان اعلام طرفينك اعتراض و جواب لايحه ليله برابر بالمطالعه تدقيقات
تميزيه اجراسنه ابتدار قلندى .

اعلام مذكور مندرجاته نظراً : مومي اليه عبدالقادر افندي باعريحال بغداد بدايت محكمه سنده مراجعتله
محله مذكوره كائن اولوب عهدۀ تصرفنده بولنان برباب خان يي مرقوم قارنيكك اوچ يوز يكرمي سكز
سنه سي مارتندن اعتباراً بلاعقد اشغال ايتسي اوزرينه خانكك ايجار سنوي سي يوز اللي ليرادر راضي اولور
ايسهك اوتور اولماز ايسهك براق ديو واقع اولان اخطارينه رغماً مرقوم قارنيك خانۀ مزبوري انجق
١٥ مایس ٣٢٩ تاريخنده تخليه ايتش اولديغندن بحثله مزبور يوز اللي ليرانك تحصيلي طلب ودعوى ومدعى
عليه قارنيك دخي مدعى عبدالقادر افندي طرفندن بوخصوصه بويله براخطار برادرينه قازشي واقع اولمش
ايسهده برادري اخطار واقعي رد ايلديكي كي مومي اليه عبدالقادر افنديك طقسان ليرايه موافقت ايلديكده
دائر كوندرديك خبريده رد ايتش ومع هذا كندوسي اشبو خان يي ١٥ مایس ٣٢٨ تاريخنده اشغال ايتدكدن
ايكي آي صوكره بروجه مشروح وقوع بولان اخطار حسيبه ١٥ مایس ٣٢٩ تاريخنده تخليه ايتش و خانكك
اجر مثل سنوي سي انجق التمش ليرادن عبارت وبونیده تأديه مهيا بولمش اولوب يالكز مدعى مومي اليه
عبدالقادر افنديك بيان اولنان اخطاريني رد ايلديكده و طقسان ليرايه موافقت ايتديكده دائر اولان جهتلر
حقتده بينه سي اولمادىغندن مدعيتك اجراي تحليفى وتحليفى ايجونده امر محاكمه نك اوچ كون تأجيلي طلب
ايلر اولديني افاده وانبا ومدعى عبدالقادر افندي ده خانه سنك اجر مثل سنوي سي يوز اللي ليرا اولديغندن
مدعى عليه طرفندن اشغال اولنديني بيان اولنان تاريخندن كندوسنك سالف اليان اخطارينك وقوعى تاريخه
قدر كذار ايدن ايكي آي ايجون التمش ليرا وشهور متباقيه ايجونده يوز اللي ليرا اوزرندن اجرت تحصيل اولنق
لازم كله جكني وتكليف اولنهرق يميني ادايه حاضر اولديني بيان وادعا ايللري اوزرينه محكمه جه محاكمه نك
تعليق اولنديني كون وقوع بولان دعوته مدعى عليه قارنيكك اجابت ايتامسندن ناشي بوبابده اولاغيا بآ و وقوع بولان
اعتراض اوزرينه وجاهاً اجرا قلنان محاكمه وتدقيقات نتيجه سنده مذكور خانكك ١٥ مایس ٣٢٨ تاريخندن
اعتباراً اخطارك وقوعى تاريخه قدر كچن ايكي آيه عائد بدل ايجارينك موافقت طرفينه بناء التمش ليرا و اخطارك
وقوعندن تخليه تاريخه قدر كچن اون آي ايجونده مدعى عليه مرقوم قارنيكك مذكور خانه ده اخطار وقوعندن
صكره مستمراً اقامت ايتمسندن طولاني يوز اللي ليرا اوزرندن بالحساب جمعا بالغ اولديني يوز اوتوز بش
ليرانك مدعى عليه مرقومدن بالتحصیل مدعى مومي اليه عبدالقادر افندي يه اعطاسنه دائر صادر اولان
اعلامك عندالاستيناف اجرا قلنان تدقيقاتي نتيجه سنده برموجب قرار مذكور خانكك ايجار سنوي سي اولان
يوز اللي ليراي مرقوم قارنيكك رد ايلديكده ومدعى مومي اليه عبدالقادر افنديك ده طقسان ليرايه موافقت
ايتديكده دائر تكليف اولنان يميني مدعى مومي اليه قبول وادا ايتش اولديني بيانيله اعلام مستأنف بهك
تصديقه حكم وقرار ويرلديكي اكلاشلمشدر .

مستدعى تميز طرفندن ويريلان لايحه ده : منازع فيه خانه ده برادرينك تحت استيجارنده اولديني برزمانده
كندوسيله اوتورمش اولمسنه كوره خصومت نقطه سندن عليهنده كي دعوانك ردی طبعي اولمغه برابر التمش

لیرا اجر مثلك قبولی حقنده ده برکونه افاده و اقراری مسبوق اولمادیغنی و بر سنه اول کیراسی التمش لیرا اولدینی ادعا ایدیلان برخانه ایچون ایرته سی سنه یوز الی لیرا ویریه میه جکی طبعی بولندینی حالده محکمه مذکورجه خلاف قانون اجرا قلنان برحاکمه و تحلیفه استناداً بر منوال محرر قرار ویرلسی مغایر قانون اولدیغندن وافادات سائرمدن بختله اعلامک تقضی و لایحه جوابیه ده دخی غیر وارد اولان اعتراضات مسرووده نک ردیه اعلام مذکورک تصدیق طلب واستدا ایدلشد.

ایجاب کیفیت مذاکره اولندقدده : مستدعی تمیز طرفندن هر نه قدر بالاده محرر اعتراضاته استناداً اعلام مذکورک تقضی طلب واستدا اولتمقدده ایسه ده اعلام میز بهک نتیجه مفادی : مرقوم قارنیکک ایکی آی بلا عقد اقامت ایتدیکی مذکور خانه نک سنوی اجر مثلی التمش لیرا اوزرندن تسویه ایده جکی واجرت سنویه نک یوز الی لیرا اولدینی حقنده تاقی ایتدیکی اخطارک وقوعندن صکرده اون آی مستمر آ ساکن اولدینی جمله اقراردن بولمنسه ومدعی عبدالقادر افندی ایکی آیه عائد بدل ایجارک التمش لیرا اوزرندن تحصیلیه موافقت ایلر برابر اخطار واقعی متعاقب کچن اون آیه متعلق بدل ایجارک ده یوز الی لیرا اوزرندن تحصیلیه طلب ایتمنسه ومدعی علیک اشبو یوز الی لیرا حقنده کی اخطاری رد ایتدیکنه ومدعی طرفندن طقسان لیرایه موافقت واقع اولدیغنه دائر سرد ایدوب اثباتدن اظهار عجز ایتدیکی مدافعه سندن دولای تکلیف اولنه جق یمینک اجراسی ایچون محاکمه نک تعلیق اولدینی کون وقوعبولان دعوتیه اجابت ایتامسنه بناء مبلغ مدعی بهک بروجه مشروح تحصیلیه حقنده اولای غیاباً و وقوعبولان اعتراض اوزرینه وجاهاً صادر اولان اعلامک عندالاستیناف بالتدقیق ایللاده تکلیف اولنان یمینک مدعی مومی الیه عبدالقادر افندی طرفندن قبول و ادا ایدلش اولدینی بیانیه تصدیقنه حکمدن عبارت اولمنسه کوره حکم مذکور اسباب موجهیه مستند و اصول وقانونه موافق اولدیغندن اعتراضات مبحوث عنهانک ردیه اصول محاکمه حقوقیه قانونک ایکی یوز قرق ایکنجی ماده سنک فقره اخیریه سی حکمنه توفیقاً اعلام مذکورک تصدیقنه وزیرده مفرداتی و معطیسی محرر مصارف تمیزیه نک مستدعی تمیزه عائد اولمنسه ۱۳ کانون ثانی ۳۳۰ تاریخده متفقاً قرار ویرلدی.

محکمه تمیزه منوره دائره سندن صادر اولوب ۲۱ ثانویه ثانویه ۳۳۰ تاریخ ۱۷۱۲ نورولی اعلام صورتیر:

« غصب دعوا سندن مدعینک اول امرده فعل غصبی اثبات ضمننده شهود شخصی
ارائه ایتسی و ذی الیدلکک آکا کوره تعین ایلمسی اقتضا ایدر »

شیشلیده طاطاوله ده ساکنه واسیلکی خانم ایلر اورتیه کویده طاش زردبانه ساکن سابق مایین مأمورلرندن قدری بک بیتنده متکون دعوایه دائر درسعادت استیناف حقوق محکمه سندن ۲۰ کانون اول ۱۳۳۰ تاریخ و یوز سکسان ایکی عددی ایلر ویریلوب مومی الیه واسیلکی خانم طرفندن تمیزاً تدقیق استدا قلنان اعلام طرفینک اعتراض و جواب لایحه لریله برابر بالمطالعہ تدقیقات تمیزیه اجراسنه ابتدار قلندی.

اعلام مذکور مندرجاتنه کوره : مومی الیه قدری بک درسعادت بدایت محکمه سی ملغا ایکنجی حقوق دائره سنه و قتیله باعرفحال مراجعتله بیوک اطهده ایانیقولا جاده سنده کائن شراء متصرف اولدینی معلوم الحدود بش دونم بشیوز ذراع عتیق و برکسور دونم جدید باغ یری اوزرینه آخور و آرابه لقی و کچی آخوری و کومسی کچی کارگیر و اخشاب مبانی انشا و سائر جهتلرینه ده اشجار مشمره غرسيله اعمار و اطرافنه دیوار انشا ایلرک اوچیوز اون بش سنه سی اواسطندن بری کندوسی و آندن اول سنین و فیره دنبرو بایع و فارغی انسطاشیه قادن تصرف ایده کلمش بولندینی حالده اراضی مذکوریه واسیلکی خانم غصب ایلر غیبوبندن بالاستفاده شکلی تغییر و دیوارک اوچیوز مترو مقداری هدم و تخریب و انقاضی و سالف الذکر آخوری استعمال و آرابه لقی بالهدم انقاضی استهلاك و قریه یی هدم و کومسلی و مشتملاتی استعمال و جام و باغلی و سائر اشجار مشمره یی قطع و خراب ایلرک اراضی مذکوریه مع دیوار ایکی باب کوشک انشا ایلدیکنی عودتنده مشاهده ایتمش و مزبوره واسیلکی خانمک اموال و املاک مذکوریه غصبی موجب ضمان بولنش اولدیغندن ضمانه تعلق ایدن جهتلی آریجه مطالبه یی حتی محفوظ اوله رق انشا ایتدیردیکی ایکی باب کوشکک هدمیه مبنی بولندینی محکک تخلیه سی و مصارف قلعیه سنک مزبوره دن استیفاسی و انشا ایتمش اولدینی دیوار حقنده دخی سالف الذکر معامله نک اجراسی و اراضی مذکوریه واقع اولان غضبک ازاله سی و مداخله سنک منعیله کندوسنه تسلیمی خصوصی مع اجرای موقت طلب و دعوی ایتسی اوزرینه ذی الیدلک بالینه اثبات ایتدیرلدکن صکره اجرا قلنان محاکمه و تدقیقات نتیجه سندن مدعی قدری بکک محل منازع فیه عائد اوله رق ابراز ایلدیکی طابو سندینک حدود شمالیه سی باقی بک و الیوم سعید پاشا ورته سی عرصه سنه قدر شامل اولسی و سعید پاشا ورته سی عرصه سنک حدودینه دائر مدعی قدری بک طرفندن مبرز قید خاقانی صورتنک دخی مذکور عرصه حدودینک اناشطاسیه قادیندن تلقی ملک ایدن قدری بک یرینه تمتد اولسی باقی بک و اکا خلف اولان سعید پاشا ورته سی عرصه سیله اناسطاشیه خلف اولان قدری بکک باغی یری بیتنده اتصال تام موجود اولوب بومیانده اهدای فلک خانم و اکا خلف اولان واسیلکی خانم عائد عرصه بولمادیغنی و اضماً مؤید اولمنسه و هر نه قدر واسیلکی قادینک صوک زمانلرده تصحیحاً استحصال ایلدیکی طابو سندنده ایانیقولا جاده سی و سعید پاشا ورته سی عرصه سی حدود اولوق اوزره کوسترلمش ایسه ده الف الیان سعید پاشا ورته سی ایلر و قدری بک یدنده کی سندات قدیمه نک تصادفاً ارائه ایلدیکی اتصال حدود واسیلکی خانمک هر نصلاسه اله ایده بیلدیکی شو تصحیحک عدم حخته حجت قویه بولمنسه و کذلک قدری بکک باغ یرینک دیگر حدودینی تشکیل ایدن قره سو و الیوم فوطیادیس عرصه سنه دائر اولوب حین کشفده محلده ارائه ایدیلان طابو سندینک دخی عرصه مذکوریه قدری بکک باغ یریه هم حدود اولدینی کوسترمنسه و شو اوچ طابو سندینک یکدیگری تصادفاً توافقی قدری بک عائد اولان طابو سندی حقنده هر درلو شبه و تزویر و تصنیفی مانع قرینه تشکیل ایتمنسه و باخصوص واسیلکی خانمک تحت تصرفنده بولنان محل اهدای فلک

خانم طرفندن امنیت صندوقه ترهین ایدلمش و بدل رهنك عدم تسویه سندن دولای اجرا معرفتیه صاتلمش بر عرصه اولوب حین رهنده کی حدودی ایسه قدری بلك آخور و باغیه محدود اولدینی امنیت صندوقندن جلب ایدیلان قید ایله تحقق ایتیمسه و منازع فی محلك واسیلکی خانمك هدم ایتدیکی آخور و باغلك مبنی اولدینی محلدن عبارت بولیمسه و لاجل الكشف محله اعزام ایدیلان نائب طرفندن معطی راپور مندرجاتی بونی مؤید اولدقدن بشقه مذکور راپوره مربوط خریطه ده ارأه ایدیلان حدودك مقدما منتظم دیوار ایله محدود و آثارینك الیوم باقی و موجود بولندیغك اكلا شلمسه و محل مذکورده کی آخور و اشجار و سائر مغروسات و مبنیاتك قلع و هدم ایدلیدیکی ویرلینه ایکی قطعه كوشك انشا ایدلمش اولدینی ده كذا لك عند الكشف مشهوداً تظاهر ایتیمسه بناءً مومی الیها واسیلکی خانمك عندالحا كه محل منازع فیهك تداول ایدی قیدلرینك جلبی و سائر حقنده کی مطالبك ردیله مذکور باغه مداخله سنك منعه و هدم و تخریب ایدلیدیکی مبنای اشجار و مغروساتك اهل خبره راپورنده تفصیل و بیان اولنان یتمش آلتی بیک طقوز یوز قرق سكرز غروش قیمتك مومی الیها دن بالتحصیل مدعی به اعطاسه و محل منازع فیهده الیوم كائن بولنان كوشكلرك دخی قاعه و قلعی ارضه مضر اولدینی تقدیرده مستحق القلع اوله رق مدعی به تسلیمه دائر بدایه و یریلان اعلامك عند الاستیناف بالتدقیق انشا آت و مبنیاتك مستحق القلع اوله رق تسلیمی دعوی ایدلیدیکی حالد بدایت محكمه سنجه دعوی اولنیمان برشیته حكم اولنمی موافق قانون كوریله مدیکی جهته اعلام ابتدائینك بوجهتك اصلاحی صورتیه تعدیلاً تصدیقه حكم و قرار ویرلیدیکی اكلا شلمشدر.

مستدعیه تمیز واسیلکی خانم طرفندن و یریلان لایحه ده : عندالحا كه و بوباید کی تداول ایدی قیدلرینك دفتر خاقانیدن سؤال ایدلمسی حقنده کی ادعاسنك ردینه قرار ویرلمسی و مدعی مومی الیهك محل مذکور ایچون یدنده موجود سند خاقانینك غیر صحیح اولوب محل مذکورك اناسطاشیه قادین طرفندن کیمسه به فراغ ایدلیدیکی عندالحا كه ارأه ایتدیکی قید خاقانی ایله ثابت ایكن بونك دخی نظر دفته آلتامسی و محل مذکور کی امنیت صندوقندن تفرغ ایتمش اولدینی جهته داخل محاكمه ایدلما مكله برابر نائبك حكمه مأذون ایدلمسی جائز اوله می جفته دائر در میان ایدلیدیکی اعتراضاتك دخی ردویا قبولی حقنده برقرار اتخاذ اولنمسی و هدمیات و تخریباتك طرفندن اجرا قلندیغك اثبات ایتدیلماسی و تعیین قیمت حقنده نائبك اهل وقوف تعیینه مأذونیتی اولمادینی حالد آنك طرفندن تعیین اولنان ارباب و قوفك افاده لرینك قبول و مدار حكم اتخاذ اولنمی مغایر قانون اولدیغندن و اسباب سائر دن بخله اعلامك نقضی و لایحه جوابیه ده دخی غیر وارد اولان اعتراضات مذکورده نك ردیله موافق اصول و قانون اولان اعلامك تصدیق طلب و استدعا اولنمشدر.

ایجابی لدی المذاكره خصوص مدعی هر نه قدر برمنوال محرر حكم و اعلامه ربط اولنمش ایسه ده دعوی مذکورده غصب صورتنده اقامه اولندیغی و بناءً علیه مدعینك اول امرده فعل غصبی اثبات ضمننده شهود

شخصیه ارأه ایتیمی و ذی الیدلكك آكا كوره تعیین ایلمسی اقتضا ایدر ایكن محكمه بدایتجه اشبو دعوا به عادی منع تعرض ادعاسی نظریله باقیله رق صلاحیت خارجنده شهود استماعه مأذون نائب تعیینیه مدعی بهك واقع اولدینی محله اقامه و استماع اولنان ایکی نفر شاهدك افاده سنه بناءً واسیلکی خانمك ذی الید اولدیغه قرار ویرلمسی و مدعی قدری بلك اناسطاشیه قادیندن تفرغ ایتدیکی ادعا ایدلیدیکی عرصه نك هم حدودی بولنان سعید پاشا ورثه سنك عرصه سی ایله واسیلکی خانمك اهدای فلك خانمندن تفرغ ایتدیکی عرصه نك متصرف اولی پروانه پاوی اولدینی بیان قلمقده اولدیغندن اشبو اوچ قطعه عرصه نك حدود لرله برابر تداول ایدی قیدینك دفتر خاقانی اداره سندن سؤال اوله رق آلتیه جق جوابه كوره ایفای معامله اولنق و سندات و قیود خاقانیه ایله حل مسئله قابل اوله مدینی حالد خارج اولان طرفندن ینه طلب ایدلك لازم كلور ایكن قدری بك طرفندن ابراز اولنوب محاكمه استینافیه نك جلسه اخیر سنده تقدیم اولنان قید صورتی مندرجاته نظراً معلل بولندیغی اكلا شیلان ایکی قطعه سند خاقانی به و قدری بكنسبت اولنان عرصه سی حدود اربعه سندن بری اولنق اوزره ارأه ایدن و صحت مندرجاتی محتاج مرافعه و تحقیق بولنان سعید پاشا و فوطیادی عرصه لرینه عائد سندلره و اسباب حکمندن معدود اولیمان و محكمه جانبندن تعیین اولنان اوچ نفر اهل خبره ایله خلاف صلاحیت اوله رق مأذوناً بالحكم نائب تعیین اولنان حق بلك جلب ایتدیکی سكرز نفر ارباب و قوفك افاده لرینه مستند بولنان كشفه مبنی واسیلکی خانمك مذکور عرصه به منع مداخله سنه و هدم و قلع ایدلیدیکی ادعا ایدیلان مبنای و مغروساتك مقدما موجود اولدیغك و بونلرك قیمت لرینك شهود شخصیه معدله نك شهادتیه اثبات ایدلمسی لازم كلور ایكن نائب مومی الیهك محل منازع فیهده جلب و استماع ایتدیکی غیر معدل شهود و یا خود اهل خبره نك و محكمه طرفندن غیر محدود بر صلاحیتی حائر اولنق اوزره تعیین ایدلمش اولان دیگر اوچ نفر اهل خبره نك اخباراتیه تحقق ایتدیکی بیان اولنان یتمش آلتی بیک طقوز یوز قرق سكرز غروش مومی الیها واسیلکی خانمندن تحویلنه قرار ویرلمسی مخالف قانون اولدینی جهته استینافاً نواقص مذکورده نك اصلاحیه تبیین ایده جك حاله كوره برقرار ویرلمسی اقتضا ایدر ایكن محكمه استینافیه جه بدایت حکمی تعدیلاً اعلام مستأنف بهك تصدیق جهته کیدلمسی مغایر قانون اولدیغندن اصول محاكمه حقوقیه قانونك ایکوز اوتوز ایکنجی و ایکوز قرق برنجی ماده لری موجب سنجه اعلام مذکورده قسماً اکثریت و قسماً اتفاق آرا ایله نقضیه قانون مذکورك ایکوز قرق درنجی ماده سی حکمنه توفیقاً کیفیتك تکرار بالرؤیه اعلامه ربطی ضمننده محكمه مذکوریه اعاده سنه و زبرده مفردات و معطیسی محرر مصارف تمیز به نك ایلروده حقسز حقه جق طرفه عائد اولسنه ۱۴ کانون ثانی ۱۳۳۰ تاریخنده قرار ویرلیدی.

محكمة تمييز استعانة دائره سنده صادر اول ٢٠ ثانوي ٣٣٠ تاريخي ١٨٢٢

محكمة تمييز استعانة دائره سنده صادر اول ٢٠ ثانوي ٣٣٠ تاريخي ١٨٢٢ نورولي اعلام
صوره نمر :

« قانون جزائك ايكي يوز اوتوزنجي ماده سنده موافق مواد جرميه دن اولان دعاوينك
صلح حاكمي قانون موقتك سكرنجي ماده سي موجبجه محاكم صلحيه عائد
وظائف جمله سندنر »

معموره العزيز ولايتي هيئت اتهاميه سندن تنظيم واعطا قلنان ١٩ مائس ٣٣٠ تاريخ و يوز سكران التي
نومرولو مضبطه نك تميزاً تدقيق طلبني حاوي ولايت مذكوره استيناف مدعي عموميلكي جانبندن معطي
استدعانه ايله اوراق متفرعه سي باش مدعي عموميلك مأموريت عليه سندن بتبليغنامه محكمه تمييز استعنا
دائره سنده توديع اولمش ولدي التدقيق مذكور استدعانه نك مدت معينه قانونيه سي ظرفنده اعطا قلنديني
اكلاشلمش اولديغندن بالقبول تدقيقات تميزيه اجراسنه ابتدار ايدلدی .

مذكور مضبطه نك خلاصه مالى بالي زاده سليمان اوغلي يشارك معلوم المقدار پاره سني اخذ ايتديكي
ادعاسيله مظلون عليه اولان قهرت اوغلي آبتك منع محاكمه سنده دائر مستنطق جانبندن ويريلان قرارنامه نك
اعتراضاً هيئت اتهاميه جه بالتدقيق فعل سرقك نوع وماهيتي غير معين بولنسي حسييله اجرائي تحقيقات
ضمننده استنطاق دائره سنده توديع قلنهرق نتيجة تحقيقاته مظلون عليه مرقومك فعل مدعا به اجتناسار
ايتديكنه دائر اخبار ودلائلك مفقوديته بناءً منع محاكمه سنده قرار ويرلمش وخصوص مذكوره صلاحيت
مسئله سي موضوع بحث اوله ميه جني دركار بولنمش اولديغندن بالبحث مندرجاتي غير وارد كوريلان اعتراض
استدعانه سندن ردينه قرار ويرلديكني متضمندر .

لايحه تميزيه ده مظلون مرقومه اسناد اولنان فعل قانون جزائك ايكيوز اوتوزنجي ماده سنده موافق
اولسي اعتباريله صلح حاكمي قانونك سكرنجي ماده معدله سي حكمنجه تحقيق و رؤيتي طوغريدن
طوغريه صلح محكمه سنده عائد اولديني حالده مرقومك دائره استنطاقه سويله خارج از وظيفه اتخاذ قرار
اولنسي يولسر ومقاير قانون اولديغندن بحثله ذكر اولنان مضبطه نك نقضي استعنا ايدلديكي كي تبليغنامه ده
دخي لايحه تميزيه مندرجاتي وارد وبجا كورنديكي بيانيله مذكور مضبطه نك نقضي طلب ايدلمشدر .

ايجاب كيفيت لذي المذاكره مظلون عليه مرقومك حركت مسروده سي قانوننامه جزائك ايكيوز اوتوزنجي
ماده سنده موافق مواد جرميه جمله سندن اولسي حسييله صلح حاكمي حقنده كي قانون موقتك سكرنجي ماده سي
صراحتي ايجابجه بوبابده تدقيقات ومحاكمات اجراسي محاكم صلحيه عائد وظائف جمله سندن اولسنه وقانون
مذكورك اللى طقوزنجي ماده معدله سنده دخي حبسي متضمن مواده صلح حاكمي نك مستنطقك توقيف

وتخليه خصوصنده حائر بولندقلى صلاحيتي تماماً حائر اولدقلى مسطور بولنسنه نظراً هيئت اتهاميه جه
اجرا قلنان تدقيقات نتيجهنده مرقومك منع محاكمه سنده متعلق مستنطق قرارنامه سندن عدم وظيفه
نقطه سندن فسحيله ايشك مجرائي قانونيسنه ارجاعي لازم ايكن بو جهت نظر دفته النيه رق بوجه محرد
قرار اعطاسي تبليغنامه ده دخي مرقم اولديني اوزره يولسر ومقاير احكام قانون اولديغندن اصول محاكمات
جزائيه قانونك اوچيوز اون دردنجي و اوچيوز اون طقوزنجي ماده لري منطوقجه ذكر اولنان هيئت
اتهاميه مضبطه سندن بوسيدن نقضيله احكام قانونيه دائره سنده ايفاي معامله اولنق اوزره اوراق دعوانك
حمله اعاده سنده ٢٧ ايول ٣٣٠ تاريخنده متفقاً قرار ويرلدی .

محكمة تمييز استعانة دائره سنده صادر اول ٢٠ ثانوي ٣٣٠ تاريخي ١٨٠٠ نورولي اعلام صورته
« جنجه موادينه متعلق اولهرق محاكم ابتدائيه دن صادر اولان مقرراتي محاكم استينافيه
نزدنده بولنل مدعي عموميلك استينافه صلاحيتلري واردر »

وان ولايتي استيناف محكمه سي جزا دائره سندن تنظيم واعطا قلنان ١١ مائس ٣٣٠ تاريخ و يكرمي
ايكي نورولي اعلامك تميزاً تدقيق طلبني حاوي محكمه مذكوره مدعي عموميلكي جانبندن معطي استدعانه ايله
اوراق متفرعه سي باش مدعي عموميلك مأموريت عليه سندن بتبليغنامه محكمه تمييز استعنا دائره سنده توديع
اولنقله لدي التدقيق مذكور استدعانه نك مدت قانونيه سي ظرفنده اعطا قلنديني اكلاشلمش اولديغندن
بالقبول تدقيقات تميزيه اجراسنه ابتدار ايدلدی .

اعلام مذكورك خلاصه مالى بكجي يوسفه اخافه قصديه تشهير سلاح ايدليكي ادعاسيله مظلون عليه
اولان عليك حركت مثبته سندن ناشي قانون جزائك يوزيتش طقوزنجي ماده سندن فقره ثانيه سي حكمه
توفيقاً بر ماه حبسه دائر صلح محكمه سي صفيله بدايه لاحق اولان حكم علمنه حقوق عموميه مأموري
جانبندن اقامه اولنان استيناف دعواسنك سبق ايدن محاكمه دن تدقيقاتي نتيجهنده حكم مذكور صلح
محكمه سي صفيله بدايت محكمه سنده صلح قانوني احكامنه توفيقاً ويرلمش اولسندن ناشي استيناف مدعي
عموميلرينك بوقيل مقرراتي استينافه صلاحيتلري اولمايدغندن بحثله اولبابده كي استيناف استدعانه سندن
ردينه قرار ويرلديكني متضمندر .

لايحه تميزيه ده بدايت محكمه سي صلح صفيله تشكّل ايدوب صلح قانونيه توفيقاً صادر اولان بالجمله
مقررات علمنه استيناف مدعي عموميلرينك حق تميز واستينافي اولديني قانون مذكورك التمش دردنجي ماده
معدله سنده مصرح اولوب اصول محاكمات جزايه قانونك يوزيتش سكرنجي ماده سي مندرجاتي دخي ماده
مذكوره ي مؤيد بولنمش ايكن استينافه مدعي عموميلرينك بوقيل استيناف دعوازينه صلاحيتلري اولمايدني

بیانیه بر موال محرر قرار ویرلسی مخالف قانون اولدیفنه دائر سرداعراض ایله ذکر اولنان اعلام استینافینک نقضی استدعا قلندی کبی تبلیغنامه ده دخی لایحه تمیزیه درمیان ایدیلان اعتراضات احکام قانونیه موافق و مستلزم نقض اسبابدن اولدیفندن بالبعث اعلام مذکورک نقضی طلب ایدلشد.

ایجاب کیفیت لدی المذاکره اصول محاکات جزائی قانونی احکامینجه جنحه موادینه متعلق اوله رق محاکم ابتدائیه دن صادر اولان مقرراتی محاکم استینافیه تزدنده بولنان مدعی عمومیلرک اصول محاکات جزائی قانونک ده ماده مخصوصه سی موجبجه استینافه صلاحیتدار بولنلرینه و صلح حاکم لری حقنده کی قانون موقنده صلح محکمه لرندن قابل استیناف اولمق اوزره ویریلان قرارلری ذکر اولنان مدعی عمومیلرک استینافه عدم صلاحیتلری حقنده بر نهی قانونی بولندیفنه نظراً مظنون علیه مرقوم حقنده محکمه صلحیه دن ویریلان قراره قارشو حق استینافی بدیدار اولان محلی استیناف مدعی عمومیلرکی جانبندن معطی استیناف استدعاینامه سنک قبولی لزومه قارشو بروجه محرر ردینه قرار ویرلسی تبلیغنامه ده بیان اولدینی وجه ایله یولسز و مغایر احکام قانون اولدیفندن اصول محاکات جزائی قانونک اوچوز اون دردنچی و اوچوز اون طقوزنجی ماده لری منطوقینجه تمیزیه اعلام استینافینک بوسیددن تقضیه احکام قانونیه دائره سنده ایفای معامله اولمق اوزره اوراق دعوانک محله اعاده سنه وایکوز غروش اعلام خرجنک تعرفه و تعلیمات مخصوصه سی حکمنه توفیقاً ایلروده حقسنز چیقہ حق طرفدن استیفاسنه ۸ تشرین اول ۳۳۰ تاریخنده متفقاً قرار ویرلدی.

محکمہ تمیز استدعا دائره سنده صادر اولده ۲۴ ثانویه اول سنه ۳۳۰ تاریخی و ۳۴۶۵ نومردی اعلام

صورنیر:

« جهت جزائیله ده تقدیر اساسنه مبتنی اولان صلاحیت حکمیه راپور مندرجاتیه

صورت مطلقه ده قابل تقید اوله ماز »

درسمادت استیناف محکمه سی جنحه دائره سنندن صادر اولوب ۳۰ ایلول سنه ۳۳۰ تاریخنده تفهیم ایدیلان قراری ناطق اعلامک تمیزنی مستدعی حاجی حسین افندی طرفندن شرائط لازمه سی بالایفا مدت قانونیه سی ظرفده اعطا اولنان استدعانک و اوراق متفرعه سی باش مدعی عمومیلرک مأموریت علیه سنندن با تبلیغنامه محکمه تمیزک هیئت عمومیه سنه نودیع اولمش ولدی المطالعہ اعلام اخیر استینافیده اسباب زائده بولندینی اکللاشمسندن ناشی عائد اولدینی دائره جه تدقیق لزومی تحت قراره آلمش اولمقله اول وجهله تدقیقات تمیزیه اجراسنه ابتدار ایدلدی.

اعلام مذکورک خلاصه مفادی مستدعی حاجی حسین افندی ایله بینلرنده متکون الاجق دعوا سنندن طولانی تنظیم ایدلمش اولان ابرانامه نک تاریخی بولنان آلتی طقوزه و برعلاوه سیله ده اون طقوزه تحویل

ایتمک صورتیه ساخته کارلق ایتدیکی ادعا اولنان حافظ راقم افندی حقنده کی دلائل و شهادات تأمین وجدان ایدر درجه ده اولماسنه بناء حقوق عمومیه جهتی داخل عفو اولان ساخته کارلق دعوا سنک عدم ثبوتنه و بوندن متولد حقوق شخصیه دن طولانی ده مدعینک معارضه دن منعه دائر بدایه لاحق اولان حکمک مدعی شخصی جانبندن استیناف ایدلمس اوزرینه فسخیله اجرا قلنان محاکمه و تدقیقات استینافیه نتیجه سنده اهل وقوف و صحیه دائره سی کیمیا کرلری طرفلرندن ویریلان راپورلر مندرجاتنه نظراً سالف الذکر ابرانامه ده تحریفات اجرایی صورتیه ساخته کارلق ایقاع اولدینی ثابت اوله مدیفندن بالبعث مدعی مومی الیهک معارضه سنک منعی حقنده مقدما صادر اولان اعلام استینافینک تمیزاً نقض و اعاده اولمسنه منعی اجرا قلنان تدقیقات اخیره اوزرینه امر حل و تدقیق ارباب وقوفه عائد بوکبی فنی مسائلده اعطا ایدیله جک راپور دائره سنده اتخاذ قرار اولمسی محکمه تمیز هیئت عمومیه سنک مقررات عیدیه سی ایجابندن اولمقله مسئله حاضرده کرک ارباب وقوف طرفندن و کرک انی مؤید اوله رق صحیه عمومیه دائره سنندن ویریلان راپورلر ده مدعابه ابرانامه ده ساخته کارلق ایقاع ایدلماش اولدینی تصریح ایدلیدیکی کبی مذکور ابرانامه تاریخندن مؤخر اولان معامله نک مقدم تاریخی ابرانامه ده قارشو بر تأثیری اوله میه جنی بدیهی اولوب مع هذا حکم سابق اصول و قانونه موافق و اسباب موجب قانونیه و تقدیریه مستند بولنش اولدینی بیانیه حکم مذکورده اصراره قرار ویرلدیکی متضمندر. لایحه تمیزیه ده مذکور ابرانامه نک محرری مظنون علیه حافظ راقم افندی اولدینی کبی انی تزدنده حفظ ایله بالآخره لهنه استعمال ایدن دخی مومی الیه بولندینی جهته تحریفات واقعه ده پک او قدر مباینت کوریلده میه جکی بر امر آشکار بولمسنه نظراً هیئت صحیه نک راپوری بوباید مدار احتجاج اوله میه جقه و اهل خبره طرفندن ده تدقیقات خارجیه ایله اکتفا ایدیلرک استکتاب قاعده سنه رعایت ایدلماش اولدیفنه دائر سردایدیلان مدعیات و علی الخصوص درت یوز لیرالق آبروجه مطلوباتی اشبو ابرانامه نک دائره شمولندن خارج ایکن تاریخ ابرانک اون طقوزه تحویلی صورتنده مطلوبات مذکورده نک دخی سالف الذکر ابرانامه نک وجودیه حکمدن ساقط اولدینی کیفیتی نظر اعتباره آلمقسزین بروجه محرر اسباب موجبیه استناداً حکم سابقده اصراره قرار ویرلمسک اصول و قانونه مغایرتندن بمثلله اعلام اخیر استینافینک نقضی استدعا اولمش و تبلیغنامه ده دخی محکمه استینافیه دن اولجه ویریلان حکم مدعی حاجی حسین افدینک وکیل مدافعی طرفندن مظنون علیه راقم افندی موکلنه اولان دینته مقابل ایکی باب خانه سی تأمینات کوسترمک کبی معامله جریان ایتدیکی و داینلرک مظنون مومی الیه ده اولان آلاجلرندن طولانی موکلنه مراجعت ایتلری ضمنده ۲ نیسان سنه ۳۲۸ تاریخله صباح غزنه سنه اعلان ویرلدیکی بیان و احوال مسروده منازعه فی ابرانامه نک ساخته لکی امرنده دلیل تشکیل ایتدیکی درمیان ایدلمش اولدینی حالد محکمه جه بر موال محرر قرار اتحاذی یولسز بولندینی نقطه سنندن نقض ایدلمش اولمسنه قارشو محکمه مذکورده جه میرز ابرانامه ده تحریف و ساخته کارلق اثری کوریله مدیکی اهل خیره تدقیقاتی و صحیه کیمیا کری طرفندن ویریلان راپور مندرجاتیه ثابت اولوب امر حل و تدقیق ارباب وقوفه

عائد بوجی فنی مسائلده اعطا اولنه جق راپورک مدار حکم عد اولنه بیله چکندن بختله حکم سابقده اصراره قرار ویرلش و بوجی دعاویده راپورک حکمه مدار اوله بیله جکی درکار بولنش ایسه ده جهت جزائیه تقدیر اساسه مبتنی اولان صلاحیت حکمیه بویله راپور مندرجاتیه صورت مطلقه ده قابل تقیید اوله میه جکی ویناء علیه ساخته کارلق مسائلنده اهل خبره راپورینه استناداً حکم اعطا ایدیه بیله جکی حقنده کی حصر و تقیید افاده ایدن مطالعه لرینک جزا محکمه لرینک صلاحیت واسعه تدقیقه و تقدیریه لرینی هیچ بوجه ایله تغییر ایدیه میه جکی بدیهیات قانونیه دن اولدینی حالده محکمه استینافیه جه سالف الذکر راپوره حصر نظر مطالعه اولنوب محکمه تمیزک تدقیق واکالنه لزوم کوستردیکی نقصانک اکلندن صرف نظر ایدمک صورتیه حکم سابقده اصرار ایدلمسی اصول و قانونه مغایر و لایحه مذکورده سرد اولان اعتراضات بوعتبار ایله وارد کوردیکی بیانیله اعلام اخیر مذکورک دخی تقضی طلب قلمشدر .

ایجاب کیفیت لدی المذاکره حکم سابق استینافی مدعی شخصی حاجی حسین افندینک وکیل مدافعی جانبندن مظنون راقم افندینک موکلنه اولان دیننه مقابل ایکی باب خانه سنی تأمینات کوسترمک کی معامله جریان ایدیکی ومظنونده اولان آلا جقلرندن طولانی داینلرک موکلنه مراجعت ایتلری ضمننده ۲ نیسان سنه ۳۲۹ تاریخی صبح غزته سنه اعلان ویرلدیکی بیان و احوال مسروده نک منازع فیه ابرنامه نک ساخته لکی امرنده دلیل تشکیل ایدیه جکی درمیان اولنوب محکمه استینافیه جه شو ادعانک ردینی استلزام ایدن احوال بیان و تصریح اولنقسزین اتخاذ قرار ایدلمسندن ناشی نقص و اعاده قلمسی اوزرینه جریان ایدن محاکمه اخیره استینافیه نتیجه سنده امرحل و تدقیق ارباب وقوفه عائد بوجی فنی مسائلده اعطا ایدیه جک راپور دائره سنده اتخاذ قرار اولنمی محکمه تمیز هیئت عمومیه سنک مقررات عیدیه سی ایجابندن اوله رق کرک ارباب وقوفک و کرک انی مؤید اولان صحیه عمومیه دائره سنک راپورلرنده مدعابه ابرنامه ده کی ارقام اوزرنده ساخته کارلق ایقاع ایدلماش اولدینی تصریح اولنش وبالخاصه منازع فیه ابرنامه تاریخندن مؤخر بولنان معامله نک مقدم تاریخی مذکور ابرنامه به قارشو بر تأثیری اوله میه جکی بدیهی بولنش ایدو کندن بختله قرار سابقده اصراره قرار ویرلش ایسه ده بالاده خلاصه مالی مندرج تبلیغنامه ده دخی کوستردیکی اوزره جهت جزائیه ده تقدیر اساسه مبتنی اولان صلاحیت حکمیه بویله راپور مندرجاتیه صورت مطلقه ده قابل تقیید اوله میه جکی ویناء علیه ساخته کارلق مسائلنده اهل خبره راپورینه استناداً اعطای حکم ایدیه جکی حقنده حصر و تقیید افاده ایدن مطالعه نک محاکم جزائیه نک صلاحیت واسعه تدقیقه و تقدیریه سنی هیچ بوجه ایله تغییر ایدیه میه جکی درکار اولدیغندن بورالری نظر دفته آله رق و درجه اولی محکمه سنجه استماع اولنان شهودک اخباراتی ده تدقیق ایدیه رک توسیماً اجراسی لازم کلان تحقیقات نتایجنه کوره اتخاذ قرار اولنق و برده سالف الیان تأمینات ارانه سنه و غزته ایله اعلان وقوفه متعلق معامله نک ابرنامه تاریخندن مؤخر اولسی کیفیتک مذکور ابرنامه به قارشو حائر تأثیر کوریه مامسنک علل واسبابی تعیین و توضیح قلمق لازم کلورکن جهات مذکورده دن ذهول ایدلمسی یولسز و خلاف قانون

کوردیکندن اصول محاکمات جزائیه قانونک اوچوز اون دردنجی و اوچوز اون طقوزنجی ماده لری احکامه توفیقاً اعلام اخیر استینافینک دخی اسباب مسروده دن ناشی تقضیه اوراق متعلقه سنک محکمه مذکوریه واستانبول ولایتی مال صندوقه تودیع ایدلمش اولان بش لیرا تمیز جزای تقدیسنک دخی اصول محاکمات مذکورنک اوچوز قرق اوچنجی ماده سی موجبجه مستدعی به اعاده سنه وایکیوز غروش اعلام خرجنک تعرفه و تعلیلات مخصوصه سنه توفیقاً بالآخره حقسز چیه جق طرفدن اخذینه ۱۸ کانون ثانی ۳۳۰ تاریخنده متفقاً قرار ویرلدی .

محکمه تمیز جزا دائره سی مقراتی

محکمه تمیز جزا دائره سنده صادر اولده ۲۲ شمیه اول سنه ۳۳۰ تاریخی ۳۵۷۸ نومرولی اعلام صوریه در: « جرمک اسباب ثبوتیه قانونیه سی قرار مجریمته تردد و اشتباهدن عاری اوله رق ارانه سی لازمدر »

قره حصار صاحب سنجانی بدایت محکمه سی جزا دائره سنندن صادر اولان ۱۵ شوال سنه ۳۳۲ و ۲۶ اغستوس سنه ۳۳۰ تاریخی و یوزاوبر نومرولی اعلام ایله متفرقاتی باش مدعی عمومیلک مأموریت علیه سنک ۲۶ ذی القعدة سنه ۳۳۲ و ۶ تشرین اول سنه ۳۳۰ تاریخی و اوچ بیك ایکی یوز اون سکر نومرولی تبلیغنامه سیله محکمه تمیز جزا دائره سنه اعطا قلمشدر .

اعلام مذکورک خلاصه مالی: اوچوز یکر می طقوزسنه سی تموزی ظرفنده عزیزیه نک بادملی قریه سنندن عایشه قیزی امهانک جبراً بکرنی ازاله ایدلکری ادعا قلمسندن دولای جنایتله اتهام اولنان خوشاب اوغلی محمد بن احمد واحد مخدومی قوچان نام دیگر اسماعیلک اجرا قلنان محاکمه لری نتیجه سنده متهمان مرقوماندن اول اسماعیلک و بعده محمدک اخیراً وفات ایتدیک اکلایشیلان اون یاشنده کی مزبوره امهانک جبراً عرضه کچهرک بکرنی ازاله ایلک فعلنه جرائی شهادات واقعه و دلائل و امارات سائر ایله ثابت اولدیغندن اولوجهله مجرمیتلرینه و مرقوماندن اسماعیلک حین ایقاع جرمده اونبر یاشنده بولندیغنی جهته قانون جزانک قرقنجی ماده سنه توفیقاً عدم مسئولیتنه و با تعهدنامه و لیسنه تسلیمه و محمدک دخی قانون مزبورک یوز طقسان یدنجی و اون سکزیاشنی تکمیل ایتمه سی حسیله قرقنجی ماده حکمنه توفیقاً مستحق اولدینی اوچ سنه کورک جزاسنک نصفی اولان بریچق سنه مدته حبسنه و بش سنه ضبطیه نظارتی آلتنده بولندیریلسنه ۳۰ تموز سنه ۳۳۰ تاریخنده حکم اولندیغنی محتویدر .

تبلیغنامه مفادی دخی محمد حقنده کی محاکمه ایله جهت تطبیقه سی حقنده برکونه اعتراضه محل کوریه مدیکندن بختله اعلامک تصدیق حکمنی متضمندر .

اوراق دعوی بعدالمطالعه حکم جنائی حقهده تدقیقات تمیزیه اجرا اولندقدده هر نه قدر تبلیغنامه ده اعلامک تصدیق طلب اولنیورسدهده محاکمه ضبطنامه سیله اعلام مذکور مندرجاتندن مستبان اولدینی اوزره حکمک مستند اولدینی اسباب ثبوتیه مشکیه نک وقوعاتی حسیله محاکمه قرائت اولنان افاده استنطاقیه سنه منحصر اولوب حالوکه افاده واقعه مزبوریه اولاً متهملردن حدات سنی حسیله ولیسنه تسلیم اولنان ایوالی اوغلی قوچان نام دیگر اسماعیلک وصوکره خوشاب اوغلی محمدک فعل شنیع اجرا ایلدکلیغی بیاندن عبارت اولسنه واون یاشنده بولنان برچو جغک اجرای فعله مقتدر اولوب اوله میه جنی محتاج تحقیق مواددن و افاده واقعه نک درجه حقیقتی داعی شبهه احوال دن بولسنه نظراً کیفیتک تحقیقیه جرمک اسباب ثبوتیه قانونیه سی قرار مجریمیده تردد واشتباهدن عاری اوله رق ارأه سی قنضی ایکن ذهول ایدلمش اولسی مغایر قانون و مستلزم نقض اولدیغندن اصول محاکمات جزائییه قانوننک اوچیز اون دردنجنی ماده سنه توفیقاً حکم جنائی مذکورک تقضیه احکام قانونیه توفیق معالیه اولنق اوزره اوراقنک محله اعاده سنه وایکی یوز غروش اعلام خرجنک ایلریده حقسنر حقیقه جق طرفدن تحصیلنه ۸ تشرین اول سنه ۳۳۰ تاریخنده متفقاً قرار ویرلدی .

حکمه تمیز جزا دائره سندن صادر اولاره ۲۷ شمریه اول سنه ۳۳۰ تاریخلی و ۳۶۴۵ نومرولی اعلام

صور تیرر :

« ضرب و تلف نفس »

مرعش سنجائی بدایت محکمه سی جزا دائره سندن صادر اولان ۱۱ شعبان ۱۳۳۲ و ۲۲ حریران ۱۳۳۰ تاریخلی و یوز اون نومرولی اعلامک تمیزاً تدقیقی حقهده مقتولک پدری عوادیس ایله محکمه مذکورده مدعی عمومی معاونلکی طرفندن معطی ایکی قطعه استدعانامه ایله اوراق متعلقه سی باش مدعی عمومیلک مأموریت علیه سنک ۲۷ ذی القعدة ۳۳۲ و ۴ تشرین اول ۳۳۰ تاریخلی و اوچ بیک ایکی یوز یتش نومرولی تبلیغنامه سیله محکمه تمیز جزا دائره سنه اعطا وتودیع قلمقله بالتدقیق مذکور استدعانامه لک مدت قانونیه لری ظرفنده ویرلیدیکی و مرقوم طرفندن ده شرائط سائر سی ایفا واکال ایدلیدیکی اکلا شیلمش ایسه ده حقوق عمومیه نقطه سندن مدعی شخصلرک تمیز دعوایه صلاحیت قانونیه لری اولدینی جهته مدعی مرقومک استدعای مذکورینک ردی و مدعی عمومی معاونلککنک استدعاسنک قبولی قرارگیر اولدقدن صوکره تدقیق تمیزیه ایفاسنه ابتدار اولندی .

اعلام مذکورک خلاصه مالی : مرعشک خواجه طورطی محله سندن دال قلیج اوغلی مغردیچ ولادوادیسک ضرباً قتل ماده سندن دولایی جنایتله اتهام اولنوب غیاباً محکوم بولنان قیر اوغلان اوغلی مصطفانک اخیراً در دست ایدلسی اوزرینه وجاهاً اجرا قلنان محاکمه علیه سی نتیجه سننده متهم مرقومک مرقوم مغردیچی ضرب ایدرک بغیر قصد و فاته سبب اولدینی شهادت واقعه و دلائل و امارات سائر ایله ثابت اولدیغندن

اولوجهله فاعلیته و حرکتیه توافق ایدن قانون جزانک یوز سکسان ایکنجی ماده سنه توفیقاً ایکی سنه مدته حبسنه ۱ حریران ۳۳۰ تاریخنده حکم اولدینی محتویدر .

ایجاب کیفیت مذاکره اولندقدده تبلیغنامه ده دخی بیان اولدینی اوزره متهم مصطفانک بکجیلک اجر تندن متحدث منازعه اثناسنده مرقوم مغردیچی بیلک قالدینغنده کی اغاچ دکنکه ضرب ایلدیکی شهودک شهاداتی و سبب وفاتک ده صدرک طرف خلفی ایمنه اصابت ایدن ضربه دن متولد ذات الپیطونی ایله مترافق ذات الجنبدن ایلری کلدیکی طیب راپوری ایله ثابت اولمشیکن فعلک نظامه رعایتسز لکه ضرب و بغیر قصد تلف نفسنه سببیت صورتنده توصیفی و یوز سکسان ایکنجی ماده یه تطبیقاً جزا تعیین ایدلسی مخالف قانون اولدینی متضمن اوله رق محلی مدعی عمومی معاونلککنک لایحه تمیزیه سننده سرد ایدیلن اعتراضات مندرجات اعلامه نظراً وارد و مستلزم نقض اولدیغندن اصول محاکمات جزائییه قانوننک اوچیز اون دردنجنی ماده سنه توفیقاً اعلام مذکورک تقضیه احکام قانونیه دائره سننده ایفای معامله اولنق اوزره اوراقنک محله اعاده سنه و یوز غروش رد استدعا خرجنک مستدعی مرقوم عوادیسندن تحصیلنه ۱۲ تشرین اول ۳۳۰ تاریخنده متفقاً قرار ویرلدی .

حکمه تمیز جزا دائره سندن صادر اولاره ۲۷ شمریه اول سنه ۳۳۰ تاریخلی و ۳۶۲۸ نومرولی اعلام

صور تیرر :

« شهادتیه تخلیف »

سیورک سنجائی بدایت محکمه سی جزا دائره سندن صادر اولان ۳ رمضان سنه ۳۳۲ و ۱۲ تموز سنه ۳۳۰ تاریخلی و قرق سکز نومرولی اعلام ایله متفرعاتی باش مدعی عمومیلک مأموریت علیه سندن ۲۳ ذی القعدة سنه ۳۳۲ و ۱ تشرین اول سنه ۳۳۰ تاریخلی و اوچ بیک یوز التمش سکز نومرولی تبلیغنامه ایله محکمه تمیز جزا دائره سنه اعطا قلمشدر .

اعلام مذکورک خلاصه مالی اوچ یوز یکرمی التی سنه سی کانون ثانیسی ظرفنده سیورکک کلابی بک محله سندن ایوب حاجی و رفیق قامیشکی حسینی قتل واشیا و نفودلرینی اخذ و سرقت ایلدکلی ادعا قلمشندن دولایی جنایتله اتهام اولنان شیخلارعلیا قریه سندن رسول محمود حمزه و محمد هایتو و ذوالفقار محمود حمزه و یوسف حمزه و ذوالفوی هایتونک ایچلرندن رسول محمودک قریه مذکورده دن علی چاوش و برادری عمرک دکر من آلاتی شکست و سرقت ایتمک ماده سندن طولایی ده جنحه درجه سننده مظنونیتی اولدینی اکلا شلمغله ماده مذکورده متعلق اوراقک توحیدیه اجرا قلنان محاکمه لری نتیجه سننده متهمون مرقوموندن ذوالفقار محمودک وفاته مبنی حقهده کی حقوق عمومیه دعواسنک سقوطنه و رسول محمد هایتو و یوسف و ذوالفوی هایتونک متعمداً مذکور قتل

فعللرينه جرائرتلری شهادت واقعہ و دلائل و امارات سائر ايله ثابت اولديغندن اولوجهله مجرمتلرينه و قانون جزائک يوز يتشنجي ماده سنه توفيقاً اعداملرينه و علی چاوشک ذکرمانک شکست و اشيا سنک سرقی ماده سی اعلان مشروطيتدن مقدم وقوعه کش اولغله اولبابده تعقیبات قانونیه اجراسنه محل اولديغنه ۲۶ تشرین اول سنه ۳۲۹ تاریخده حکم اولنديغندن عبارتدر .

سالف الذکر تبليغنامه ده دخی شاهدلردن ولی بن حسنک ايکنجی جلسۀ محاکمه ده دفعۀ ثانيه ده کی استماعنده تکرار تحلیفندن و جلسۀ مذکورده استماع ایدیلان دیگر شهودک امر تحلیفلرینک اصول محاکمات جزائیه قانوننک ایکیوز التمش سکنجی ماده سی صراحتنه توفیقندن ذهول ایدلمش و ۴ کانون ثانی سنه ۳۲۷ تاریخلی جلسده دیکله نیلن شاهدلرک ذات و شهادتلی و ۲۷ اغستوس سنه ۳۲۹ تاریخلی جلسده اوقونان اوراق مندرجاتی حقلرنده دیه چکلی اولوب اولدینی متهملردن صورلمش و ۸ ایلول سنه ۳۲۸ تاریخلی جلسۀ ايله دیگر بعض جلسات محاکمه ده مدافعه و کالتنده بولنديريلان علی افنديک ایفای و کالتۀ اهل و صالح اولدینی تصریح ایدلماش و متهملر طرفندن مدافعه اهدی اوله رق اقامه ایدیلان اشخاصدن حاجی درویشک و قیلۀ ادعا شاهی صفیلۀ افادۀ و یرمش اولسی معرض مدافعه ده دخی استماعنه قانوناً مانع اولدینی حالده صرف بوسیدن دولای عدم استماعنه قرار و یرلسی حق مدافعه یی اخلال ایتمش و متهملردن بعضلرینک خانهلرنده ظهور ایدوب باشلوجه اسباب ثبوتۀ دن عد ایدیلان خرارلرله ایلکک مثلیاتدن اولدقاری متهملر جانبندن ادعا و حتی متهملردن رسول طرفندن بواچلک قماشنک عینی اوله رق دیگر الیسه ارانۀ و محکمه یه تودیع واعطا قلمش اولسنه قارشو بولرک اهل خبریه ارانۀ سی و بوبابده کی تحقیقاتک کرکی کبی توسیعی مسئله سی ده نظردقته آنامش و مقتول دنیلن ایوب و حسینک برقیش اورته سنده غیوبت ایدرک آندنصرکه بولردن هیچ بر ایز و اثر آلدۀ ایدیلۀ ماش اولسنه کوره ذات جرمک ادله مادیه سی و مجرمتک و بالخاصه متهملرک هر برینک بوجرملرده صورت و درجۀ اشتراکلرینک اسباب ثبوتیه سی بالاطراف و مدافعاتک کافۀ اقسامنه عائد اجوبۀ ردیه نک علی الانفراد مجرمت قرارنده توضیح و تفصیلی مقتضی ایکن بوجهت دخی نقصان براغلمش و اسباب مسروده نقض حکمی مستلزم احوالدن بولمش اولدینی بیانیله اعلام مذکورک نقضی طلب اولمشدر .

اوراق دعوی بعدی المطالعۀ تدقیقات تمیزیه اجرا اولندقدۀ شاهدلردن ولی بن ملا حسن ایکنجی جلسۀ محاکمه ده استماع اولنوب انحق افادۀ اولاسنده ذکر و بیان ایلدیکی اشیا کندیسنه ارانۀ اولمش اولسنه نظراً آریجه تحلیفی ایجاب ایتیه جکندن تبليغنامه ده بوجهته دائر درمیان اولنان اعتراض غیر وارد ايسده اعتراضات سائر مندرجات اعلامه نظراً وارد و بجا کورلمش اولديغندن اصول محاکمات جزائیه قانوننک اوچ يوز اون دردنجی ماده سنه توفيقاً اعلام مذکورک نقضه و احکام قانونیه دائره سنده ایفای معامله اولنق اوزره اوراقنک

محله اعاده سنه و ایکی يوز غروش اعلام خرچک ایلروده حقسز چیه جق طرفدن تحصیانه ۵ تشرین اول سنه ۳۳۰ تاریخده متفقاً قرار و یرلدى .

محکمۀ تمیز جزا دائره سنده صادر اولان ۲۷ تشرین اول سنه ۳۳۰ تاریخلی و ۳۶۳۱ نومرولی اعلام

صورتمدر :

« و سائق جرم اولان اسباب ايله مجرمتک ادله ثبوتیه سی و اخبارات واقعۀ نک ثبوت جرمه صورت تعلق و تأثیری و مدافعاتک اسباب و وجبۀ ردیه سنک مجرمت قرارنده بر تفصیل ذکر و توضیحی لزومنه دائر »

مرعش سنجانغی بدایت محکمه سی جزا دائره سنندن صادر اولان ۲۵ رمضان سنه ۳۳۲ و ۳ اغستوس سنه ۳۳۰ تاریخلی و یوز اوتوز درت نومرولی اعلام ايله اوراق متفرعه سی باش مدعی عمومیک مأموریت علیه سنک ۲۹ ذی القعدة سنه ۳۳۲ و ۷ تشرین اول سنه ۳۳۰ تاریخلی و اوچیک اوچپوز التمش نومرولی تبليغنامه سیله محکمۀ تمیز جزا دائره سنه اعطا قلمشدر .

اعلام مذکورک خلاصۀ مالی بازار جق قضاسنک کثیر عشیرتندن کور بایرونک زوجه سی خاتونی یی ضرب ایدرک و فاتنه سیدیب و یرمک و قزغان قیران ابراهیمک نقودینی سرقت ایتک ماده لرندن طولای جنایتله اتهام اولنان مزبورده نک مخدومی سلیمانک جنحه مظنونلریله معاً اجرا قلنان محاکمه سی نتیجه سنده متهم مرقومک قتل قصدی اولمقسزین و الدۀ سی مزبورده یی ضرب ايله متأثراً و فاتنه سبب اولدینی ثابت اولديغندن مجرمتنه و حرکتنه توافق ایدن قانون جزائک يوز يتش طقوزنجی ماده معدله سنه توفيقاً اون سنه مدتله کورکۀ قولسنه و جنحه مظنونلرینک درجات متفاوتده حبسلرینه و مرقوم سلیمانک اخذ و سرقت فعلندن برائتۀ ۲ اغستوس سنه ۳۳۰ تاریخده حکم اولنديغنی محتویدر .

محکوم علیه مرقوم سلیمان طرفندن و یرلوب میان اوراقده بولنان لایحه تمیزیه مفادی دخی و الدۀ سی مزبورده مجنون و معتوه بر قاری اولوب کندی کندی صلب ایتش اولدینی حقنده قناعت کامله حاصل اولمش ایکن محکومیتی جهته کیدلديکنه و فتح میت عملیه سی و مزبورده نک مصلوباً بولنديغنی اغاج ارباب و قوف معرفتیه کشف اولنمادیغنه و مزبورده نک مذکور اغاجده نه صورتله کورلديکی حقنده ایجاب ایدنلردن ایضاحات النمادیغنه و سائر نقصان تحقیقات و تدقیقاته دائر اعتراضات سردیله اعلام مذکورک نقضی طلبی محتویدر .

اوراق دعوی مطالعۀ اولندقدن صکره حکم جنائی حقنده تدقیقات تمیزیه اجرا اولندقدۀ مرقومه خاتونینک کندی صلب ایتک صورتیه اتحار ایتدیکی و شعوری مختل بولنديغنی ادعا ایدلسنه و معاینه راپوریه طبیبک تمهیدات شفاهی سی و دیگر خبرلرک بیاناتی کیفیتک و فات حقنده بر معنای قطعی یی مفید بولنماسنه نظراً مزبورده نک مصلوباً بولنديغنی اغاجک ارباب و قوف معرفتیه کشفی و کندوسنک ابتداء مذکور اغاجده نه صورتله

کوردلیکی حقنده ایجاب ایدنلردن ایضاحات اخذی ولدی الحاحه مسئله نك بر هیئت فیه نك نظر تدقیقه تودیقی صورتلریله اولباده کی تحقیقاتک توسیعی وسائق جرم اولان اسباب ایله مجرمیتک ادله ثبوتیه سی و اخبارات واقعه نك ثبوت جرمه صورت تعلق وتأثیری ومدافعاتک اسباب موجبیه ردیه سنك مجرمیت قرارنده بر تفصیل ذکر و توضیحی لزومه رعایت اولمادیغنی متضمن اولان تبلیغنامه محتویاتی مندرجات اعلامه نظراً وارد و بجا کورلمش اولدیغندن اصول محاکمات جزائییه قانوننك اوچیوز اون دردنجی ماده سنه توفیقاً حکم مذکورک نقضنه واحکام قانونیه دائره سنده ایفای معامله اولمق اوزره اوراقلک محله اعاده سنه وایکیوز غروش اعلام خرجنك ایلروده حقسنر چیقه جق طرفدن تحصیلنه ۱۵ تشرین اول سنه ۲۳۰ تاریخنده متفقاً قرار ویرلدی.

محکمہ تمیز جزا دائره سنده صادر اولده ۲۷ تشرین اول سنه ۳۳۰ تاریخنی و ۳۶۳۸ نومرولی اعلام

صورتیبر :

« مجرمیت و تحدید جزا قرارلرنده مجرمک سنی حقنده کی قید مندرجاتی ضبطنامه و اعلامه یازلامسی موجب نقضدر »

یوزغاد سنجانغی استیناف محکمه سی جزا دائرسندن تنظیم واعطا قلنان ۵ شباط ۳۲۹ تاریخنی و یوزیکرمی التی نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۸ ذی القعدة ۳۳۲ و ۶ تشرین اول ۳۳۰ تاریخنی و اوچییک اوچیوز الی یدی نومرولی تبلیغنامه ایله محکمه تمیز جزا دائره سنه تودیع ایدملکه مطالعه قلندی .

اعلام مذکورک خلاصه مآلی اوچیوزیکرمی طقوز سنه سی مارتنک آلتنجی کونی یوزغادک دده لی قریه سندن توره من اوغلی سلیمانک قیزی ملکه فعل شنیع اجرا ایلدیکی ادعا قلنمسندن دولای جنایتله اتهام اولنان قریه مذکورک قریه عمر اوغلی حق بن محمد و نباشینک اجرا قلنان محاکمه سی نتیجه سنده متهم مرقومک اوچ یاشنده بولنان مزبور ملکه فعل شنیع اجرا سیله بکرنی ازاله ایلدیکی ثابت اولدیغندن مجرمیت و حرکته تطابق ایدن قانون جزانک یوزطقسان یدنجی و حین ایقاع جرمده اون بش یاشنی اکل ایتدیکی جهتله قرقنجی ماده لرینه توفیقاً تقدیر ایدیلان یدی سنه کورک جزانک ربی اولان یکریمی برآی حبسنه ۵ شباط ۳۲۹ تاریخنده حکم اولندیغندن عبارتدر .

تدقیقات تمیزیه اجرا اولندقدده تبلیغنامه ده دخی بیان اولندیغنی وجهله ۲۰ تشرین ثانی سنه ۳۲۹ تاریخنی جلسه ده متهم مرقومک سنک نفوس اداره سندن استعمالنه قرار ویرلمش و مجرمیت و تحدید جزا قرارلرنده مرقومک حین ایقاع جرمده اون بش یاشنی اکل ایتدیکی کوسرلمش ایسه ده بوباده استناد ایدیلان قید مندرجاتی ضبطنامه و اعلامه یازلامش و قرار مجرمیتده فعل مدعاهک قانونک یوز طقسان یدنجی ماده سنک فقره اخیره سی موجبنه ده مادی جبر و شسته اقتران ایتسی حقنده کی اسباب ثبوتیه ده تصریح و تفصیل اولنامش اولدیغندن اصول محاکمات جزائییه قانوننك اوچیوز اون دردنجی ماده سنه توفیقاً اعلام مذکورک

تقضیه احکام قانونیه دائره سنده ایفای معامله اولمق اوزره اوراقلک محله اعاده سنه وایکی یوز غروش اعلام خرجنك ایلروده حقسنر چیقه جق طرفدن تحصیلنه ۱۵ تشرین اول سنه ۳۳۰ تاریخنده متفقاً قرار ویرلدی .

محکمہ تمیز جزا دائره سنده صادر اولده ۲۹ تشرین اول سنه ۳۳۰ تاریخنی و ۳۶۹۱ نومرولی اعلام

صورتیبر :

« حقوق عمومیه نامنه سبق ایدن ادعانک اسباب موجبیه ردیه سنك کوسرلمسی لزومه دائر »

آیدین سنجانغی بدایت محکمه سی جزا دائره سندن صادر اولان ۲ رمضان سنه ۳۳۰ و ۱۳ تموز سنه ۳۳۰ تاریخنی و او توزسکنر نومرولی اعلامک حکم جنائی جهتی راساً تابع تمیز اولدیغندن جنبه جهتک دخی تمیزاً تدقیقی حقنده محکمه مذکورک مدعی عمومیلکندن معطی استدعانامه ایله لایحه تمیزیه و اوراق متعلقه سی باش مدعی عمومیلک مأموریت علیه سنک ۲۷ ذی القعدة سنه ۳۳۲ و ۵ تشرین اول سنه ۳۳۰ تاریخنی و اوچ بیک اکیوز قرقبش نومرولی تبلیغنامه سیله محکمه تمیز جزا دائره سنه اعطا قلنمش ومدت قانونیه سی طرفنده ویرلدیکی اکلاشیلان مذکور استدعانامه قبول ایدیش اولقله مطالعه اولندی .

اعلام مذکورک خلاصه مآلی مختلف زمانلرده متعدد جرائم ارتکاب ایلدکری ادعا قلنمسندن دولای جنایتله اتهام اولنان کوهلی اوغلی مصطفی بن مصطفی و برادری بایرام و امام اوغلی مصطفی وقوجه بیق اوغلی عثمانک جنبه مظلونلریله برابر توحیداً اجرا قلنان محاکمه علیه لر نتیجه سنده متهمون مرقوموندن کوهلی اوغلی مصطفانک مدعیلردن فاطمه و حاجی حسینک یولده اوکرینه کهرک و دیگر مدعی حاجی ابراهیمک ده لیللاً باغچه سنه کیره رک نقود و اشیا لرینی اخذ و سرقت و حاجی محمد و الیف اوغلی حسن اغلره پاره طلبنه دائر تهدید امیز مکتوب ارسال و حاجی عمر دن بالواسطه تفنک و البسه طلب ایلک و اسلحه ممنوعه طاشیمق و دیگر متهم بایرام و مصطفی و عثمانک دخی عادیاً سرقت ایقاع ایتک فعل لرینه جراثلری شهادات واقعه و دلائل و امارات سائر ایله ثابت اولدیغندن اولوجهله مجرمیت و فاعلیت لرینه و مجرم مرقوم مصطفانک اعظم جرم اعتباریله حرکته توافق ایدن قانون جزانک اکیوزیکرمی برنجی ماده سنه توفیقاً و افعال سائر سنک سبب شدت عدیله التی سنه مدته کورک قونلسنه و دیگر لرینک دخی قانون مزبورک اکیوز یکریمی ایکنجی و حین ایقاع جرمده اون سکزر یاشنی اکل ایتدکری جهتله قرقنجی ماده لرینه تطبیقاً و تنزیلاً اون بشر آی مدته حبس لرینه و مرقوموندن بایرام ایله جنبه مظلونلرینک جرح فعلندن براتلرینه و کوهلی اوغلی مصطفی نك بالرضا تر دینه کیندیکی اکلاشیلان خدیجه حقنده کی فعل شنیع ماده سنک استدعا وقوعنده ایجاب قانونیسنه باقیمق اوزره تأجیلنه ۲۲ مایس ۳۳۰ تاریخنده حکم اولندیغنی محتویدر .

لایحه تمیزیه مفادی دخی متهم بایرام و امام اوغلی مصطفی و عثمانک نهراً محمد و پنائینک اوکرینه چیقه رق

وروولور تشهر ایدرک اللرنده واوزرلرنده بولان پاره واکمک ووتونلرینی جبراً اخذ و سرقت ایتدکری کندیلرینک مؤولاً واقع اولان اقرارلری و شهادات واقعه و دلائل و امارات سائر ايله ثابت اولمش واولوجهله مجرمیتلری طلب وادعا ایدیلش ایکن فعلک صورت ایقاعی نظر اعتباره التمسین مأخوذاتک ازانی اعتباریله جنحه درجه سنده فاعلیتلیته قرار اعطاسی مغایر قانون اولدیغندن بحثله اعلام مذکورک نقضی استدعاسنی متضمندر . ذکر اولنان تبلیغنامه ده دخی مرقوموندن متهم کوهلی اوغلی مصطفانک مرتکب اولدینی متعدد سرقت و جرائم سائر دن هانکیسنک جنایت و هانکیسنک جنحه درجه سنده اولدینی علی الانفراد مجرمیت قرار نامه سنده تصریح و توضیح ایدلک لازمکلیر ایکن ثبوتندن بحث ایدلکدن صکره اعظم جرمی اولان معامله جبر و شدت اجراسیله سرقتدن طولانی تجربینه و صفلری تعین ایدمین افعال سائر سی حقنده سبب شدت طوتیله رق مذکور سرقتدن تحدید جزاسنه قرار ویرلمسی یولسز و مخالف قانون اولدینی کبی بیرام و امام اوغلی مصطفی و عثمانک نهاراً محمد و پنائینک اوکلرینه چیه رق وروولور تشهر ایدرک اوزرلرنده بولنه بیلان اچقه ايله اکمک ووتونلرینی سرقت ایتدکری مدعیلرک حصر ادعاری و تحقیقات ابتدایه اثناسنده سبق ایدن اقرارلرینک شهود مستمعه طرفندن اخبار اولنمسی ايله ثابت اولدیغندن بحثله عندالحاکمه در میان ایدیلن ادعانک اسباب موجب رده لری کوسترلیه رک جنحه درجه سنده فاعلیتلیته قرار ویرلمسی واون سکر یاشنی اکال ایتیمان مظنون و متهملره تقدیر ایدیله جک جزانک نصفندن ثلثانی مدته قدر اولمسی لازمکلیر ایکن مرقومونه اندن زیاده جزا تعین قلمسی مخالف قانون اولدیغندن بحثله تمیز لایحه سنده سرد ایدیلان اعتراضات اعلام میزبه مندرجاتنه نظراً وارد و مستلزم نقض اسبابدن اولدینی بیانیله اعلام مذکورک محکومیه متعلق جهتنک نقضی طلب اولنمشدر .

اوراق سائر دعوانک مطالعه سندن صکره حکم جنائی ايله جهت میز بهدن طولانی تدقیقات تمیزیه اجرا اولندقدن جنایت محکومی کوهلی اوغلی مصطفانک ثابت اولان جرایمندن هانکیسنک جنایت و هانکیسنک جنحه درجه سنده اولدینی علی الانفراد توضیح و صفلری تعین اولنمقسین افعال سائر سنک سبب شدت عدیه سرقت جبریه دن تجربی واولوجهله تعین جزاسی مخالف قانون اولدیغه دأثر تبلیغنامه ده و متهملردن بیرام و عثمان ايله امام اوغلی مصطفانک نهاراً محمد و پنائینک اوکلرینه چیه رق وروولور تشهر ایدرک اوزرلرنده بولنان پاره واکمک ووتونلرینی اخذ و سرقت ایتدکری حقنده کی دلائل ثبوتیه دن بحثله مجرمیتلری حقنده حقوق عمومی نامنه سبق ایدن ادعانک اسباب موجب رده سنک کوسترلماش اولسی اعتباریله ده وصف جرمه دأثر لایحه تمیزیه ده برمنوال محرر در میان اولنان اعتراضات مندرجات اعلامه نظراً وارد و بجا کورلمش اولدیغندن اصول محاکمات جزائی قانوننک اوچوز اون دردنجی و اوچوز اون طقوزنجی ماده لری احکامنه توفیقاً اعلام مذکورک حکم جنائی قسمی ايله میزبه اولان جنحه جهتنک نقضه و احکام قانونیه دأثره سنده ایقای

معامله اولنلق اوزره اوراقلک محله اعاده سنه وایکوز غروش اعلام خرچنک ایلروده حقسنر چیه جق طرفدن تحصیله ٩ تشرین اول ٣٣٠ تاریخنده متفقاً قرار ویرلدی .

حکم تمیز جزا دأثره سنده صادر اولره ٢٩ شمربه اول سنه ٣٣٠ تاریخی ر ٣٦٩٦ نومرولی اعلام صوریندر :

« جبراً قاجیریلان قادینک اول امرده حین وقعه ده ذات الزوج اولوب اولدیغنک تحقیق لازمدر »

بورددور سنجانی بدایت محکمه سی جزا دأثره سندن صادر اولان ٢٩ جادی الاول ٣٣٢ و ١٢ مایس ٣٣٠ تاریخی ویکرمی بر نومرولی اعلام ايله متفرعاتی باش مدعی عمومیلک مأموریت علیه سنک ٢٦ ذی القعدة ٣٣٢ و ٤ تشرین اول ٣٣٠ تاریخی و اوچ بیک ایکی یوز سکسان درت نومرولی تبلیغنامه سیله محکمه تمیز جزا دأثره سنه اعطا قلمشدر .

اعلام مذکورک خلاصه مالی : اوچ یوز یکرمی طقوز سنه سی تشرین ثانیسنک اون آلتنجی جمعه کیجه سی اغلاصون ناحیه سنک مقارجه محله سندن کورک اوغلی سیان بن حسینک خانه سی باصه رق زوجیه سی فاطمه یی جبراً قاجیروب فعل شنیع اجرا ایدلکری ادعا قلمقدن ناشی جنایتله اتهام اولنان ناحیه مذکورده دن حاجی فیضی اوغلی مصطفی و قولاخ خلیل اوغلی عمر و عمر اوسته اوغلی سلیمان و عثمان کهیا اوغلی مصطفی و قزاق حسن و فراری دودن اوغلی نوری و قرجه اوغلی سلیمانک و جاهاً و غیاباً اجرا قلنان محاکمه خفیه لری نتیجه سنده متهمون مرقومونک ذات الزوج بولسان مزبوره فاطمه یی جبراً قاجیروب فعل شنیع اجراسنه جرأت ایدلکری شهادات واقعه و دلائل و امارات سائر ايله ثابت اولدیغندن اولوجهله مجرمیتلرینه و حرکتلرینه توافق ایدن قانون جزانک ایکی یوز التنجی ماده سنه توفیقاً ایلچلردن فراری نوری سلیمانک مزبوره فاطمه یی آلآن یانلرنده بولندیرملرینک سبب شدت عدیه یدیشربچق و دیگرلرینک بشرسنه مدتلرله کورکه قونلرینه و انجق بولردن خلیل اوغلی عمر و عمر اوسته اوغلی سلیمان و عثمان کهیا اوغلی مصطفانک حین ایقاع جرمه دن اون سکر یاشنی اکال ایتدکری جهتنه قرقنجی ماده قانونیه موجب مدت جزائیله بالانصیف ایکیشربچق سنه مدته حبسلرینه ١٠ مایس ٣٣٠ تاریخنده حکم اولدیغنی محتویدر .

حسن طرفندن ویریلوب میان اوراقدن بولنان لایحه تمیزیه مفادی دخی کندیسسی لیه وقعه ده مسافره محمد اوغلی حسن چاوشک خانه سنده بولندیغندن و بوباده کی شاهدلرک شهاداتی اسباب موجب سیله رد ایدیلدیکندن و فاطمه نک کندیسسی کیمسه طرفندن قاجیریلدیغه و زوجی ايله امتزاج ایدم مدیکنه و کندیسنک مطلقه بولندیغه دأثر اولان افاده سی محکمه جه نظر اعتباره آلمدیغندن بحثله حقنده کی حکمک نقضی استدعاسنی متضمندر .

اوراق دعوانك مطالعه سندن سوكره حكم وجاهیدن دولایي تدقیقات تمیزیه اجرا اولند قده اولباده کی محاکمه ضبطنامه سنده محرر اولدینی وجهله مزبوره عندالحاکمه کندیسی جبراً قاجیران کیمسه اولدینی وزوجندن کوردیکی اذا وجفادن ناشی خانه سنه کتدیکنی و مرقوم سلیمانندن مطلقه اولدینی افاده ایتش اولسنه کوره اول امرده مزبوره نك حین وقعه ده ذات الزوج اولوب اولدیغك تحقیق و مزبوره نك قوللری اوزرنده کوریلوب مجرمیت قرارنده اسباب ثبوتیه دن عدایدیلن اثار ضرب و جرحی متضمن راپور وقعه دن ایکی آی سوكره تنظیم ایدیش اولسنه نظراً مذکور راپورده کوستریلن ضرب و جرح متهملر طرفندن ایقاعی حقنده کی اسباب ثبوتیه نك قرار مذکورده ارانه سی لازم کایرکن بو لزوم قانونیدن ذهول ایدیلی مغایر قانون و مستلزم نقض بولنش و تبلیغنامه دخی بوجهاتی متضمن اولمغله وارد و بجا کوریش اولدیغندن اصول محاکات جزائییه قانوننك اوچوز اون دردنجی ماده سنه توفیقاً حکم مذکورك نقضیه احکام قانونیه دائره سنده ایضای معامله اولنق اوزره اوراقنك محله اعاده سنه وایکی یوز غروش اعلام خرجنك ایلریده حقسز چیه جق طرفدن تحصیلنه ۱۱ تشرین اول ۳۳۰ تاریخده متفقاً قرار ویرلدی .

قانوننامه مدنی

اسویچره قانوننامه مدنیسی

— یکن نسخه دن مابعد —

- ۳۷ ماده : ذی الیدلکده مرعیتیه باشلادیغی کوندن اعتباراً قانون جدیدله عمل اولنور .
 ۳۸ ماده : شورای هیئت مجتمعه ایالات ایله بعدالاستشاره والمذاکره سبجل اراضی و طبراغك مساحه سی ایچون عمومی برپیلان تنظیم ایدر . (۱)
 موجود اولان سجلات و قداسترو پیلانلری مهمامکن جدید سبجل اراضینك قسم غیر منفکی کی حفظ اوله جقدر .
 ۳۹ ماده : طبراغك مساحه سی مصارفك قسم اعظمی هیئت مجتمعه تحمل ایده جقدر .
 بو حکم ۱ کانون ثانی ۱۹۰۷ تاریخندن برو یاپیلان بالمله مساحاته تطبیق اولنه جقدر .
 بومصارفك توزیعنی مجلس عمومی قطعاً تعیین و تقریر ایده جقدر .
 ۴۰ ماده : قاعده مساحه معامله سی سبجل اراضینك تشکیلندن مقدم یاپیله جقدر .
 مع هذا شورای هیئت مجتمعه نك موافقتیه صورت کفایه ده طوغری عقارات بولنه جق اولور ایسه ، سبجل اراضی ده اول تشکیل اولنه بیله جقدر .
 ۴۱ ماده : ایالاتك کائن اولدینی محللرک شرائط خصوصیه سی و مختلف منطقه لرك منافی بر صورت معتدلانده نظر حسابیه آله رق طبراغك مساحه سنه صرف اولنه جق مدت تعیین اولنه جقدر .

(۱) نوط - بو ۳۸ نجی و آتی ولی ایدن ماده لرله برابر قداستورلرك مساحه اولنسی مصارفنه هیئت مجتمعه نك اشتراکی حقنده کی ۱۳ نیسان ۱۹۱۰ تاریخلی قانونه و قانون مذکورك موقع اجرایه وضعی حقنده شورای هیئت مجتمعه نك ۱۵ کانون اول ۱۹۱۰ تاریخلی قرارنامه سنه و قداستورلرك مساحه اولنسی حقنده ۱۵ کانون اول ۱۹۱۰ تاریخلی قرار نامه سنه و کذلک مذکور تاریخلی قداستورلرك مساحه اولنسی حقنده کی قرار نامه سی تعلیماتنه دخی مراجعت اولنقی لازمدر .

طیراغت مساحه سی و اراضی سجلنک تشکیلی ایالاتک مختلف قطعانده یکدیگری متعاقباً یاییله جقدر .

مساحه اصولنک صورت اجرایی .

٤٢ ماده : شورای هیئت مجتمعه، ایالات ایله بعدالاستشاره والمذاکره ارضک انواع مختلفه سنک اصول مساحه سی تعیین و تقریر ایدر . اورمان و وسعت مهمه سی اولان مرعه کی دها زیاده برمساحه صحیحیه محتاج کورله یین اراضی حقنده مختصر برپیلانک تنظیمی کافی اولدیغی بیان اولنه بیلیر .

حقوق اعیانک کیفیت تسجیل .

٤٣ ماده : سجل اراضیتک تشکله ذاتاً موجود اولان حقوق اعیان تسجیل اولنه جقدر . بونلری بیان وقید ایتدیرمک ایچون واسطه علانیته بر اخطار ایله جمله علاقه داران دعوت اولنه جقدر . قانون جدیدایله قابل تألیف اولیوبده عتیق قانون موجبجه سجلات عمومیه ده مقید بولتان بالجمله حقوق اعیان رأساً سجل اراضیه نقل وقید اولنه جقدر .

عدم تسجیل نتایجی .

٤٤ ماده : مسجل اولیان حقوق اعیانک صحت واعتبارینه خلل کلز . فقط بوکی حقوق مجردنک حسن نیته مندرجانه اعتماد ایدن اشخاص ثالثیه درمیان اولنسنه جواز یوقدر .

هیئت مجتمعه نک ویا آیالاتک قوه تشریعیه سی ، واسطه علانیته بر اخطاردن و معین بر برمهلتدن صکره ، سجل اراضیه قید اولنمیان بالجمله حقوق مجردی الغا ایده بیلیر .

ملفاحقوق اعیان .

٤٥ ماده : سجل اراضیه دائر احکامه توفیقاً تشکیل ایدلسی جائز اولیان (برقاچ کشییه عائد برخانه نک قاتلری بشقه سنک عرصه سنده مغروس اغاجلر وغیرهم) کی حقوق اعیان قید اولنمیوب ساده جه صورت کفایه ده ذکر اولنه جقدر .

بوحقوق برسبیل ساقط اولدقده یکیدن تأسیس وتشکیل اولناماز .

سجل اراضیتک تشکله تأخیری .

٤٦ ماده : اشبو قانوننامه ده بحث اولنان سجل اراضیتک تشکیلی ایالات طرفندن شورای هیئت مجتمعه نک مأذونیتیه ایلرویه تعلیق اولنه بیلیر . شوقدرکه قوانین ایالاتک علانیت وساطتی قانون جدیدک سجلدن انتظار ایلدیکی احکامی محافظه کفایت ایتمک شرطدر .

قوانین ایالاتک احکام افاده ایده جکی شکل طوغریجه بیان وتصریح اولنه جقدر .

سجل اراضیتک تشکله اولکی اصول .

٤٧ ماده : اشبو قانوننامه نک حقوق اعیان مجردیه متعلق قواعدی علی الاطلاق سجل اراضیتک تشکیلندن مقدم دخی مرعی الاجرادر .

حقوق ایالاتک شکلی .

٤٨ ماده : حقوق مجردیه دائر احکام کسب مرعیت ایدنجه ، سجل اراضیتک تشکیلندن مقدم ، ایالات ، (تصدیق ایدلمک وبر اراضی ویا براستغلال و حقوق مجردیه دفترینه قید اولنق کی) سجل اراضیدن مقصد اولان احکامی درحال حصه کتیرمکه مصالح شرائط وتدابیری اتخاذ وترتیب ایده بیلیر .

ایالات ، بوشرائط سجل اراضیتک تشکیلندن مقدم دخی حقوق مجردنک انعقاد وتشکله ونقل و فراغه وتعدیلاتنه وسقوطنه متعلق سجلدن مقصد اولان احکامی حصوله کتیره جکی امر ایده بیلیر .

دیگر طرفدن ، ایالات جانبندن بریالنده سجل اراضی تشکیل ایدیلنجهیه قدر یا خود آنک یرنی طوته جق بر مرجع کوستریلنجهیه ، دکن سجل اراضی احکامی حسن نیته بولنان اشخاص ثالثه لهنده جریان وافاده ایتز .

مرور زمان .

٤٩ ماده : قانون ، مرور زمان ایچون برسنه ویا دها زیاده مدت تعیین ایتدکده ، قانون جدیدک کسب مرعیت ایده جکی تاریخندن مقدم بدأ ایتش اولان مرور زمانلر ایچون کذران ایدن مدت نظر حسابه آلنیر . مع مافیه بومرور زمانلر انحق تاریخ مذکودن اعتباراً اقل ایکی سنه صکره تمام اولمش عد اولنه جقدر .

مرور زمان وسقوط جق ماده لرنده اشبو قانوننامه ایله ترتیب ایدلمش اولان دها قیسه مدتلر ، قانون جدیدک کسب مرعیت ایتدیکی تاریخندن اعتباراً جریانیه بدأ ایدر .

بوندن ماعدا ، او تاریخندن اعتباراً مرور زمان ماده سنده اشبو قانوننامه احکامی جاریدر . ٥٠ ماده : اشبو قانون کسب مرعیت ایتدکدن مقدم منعقد اولان عقود ، - حتی رعایت اولنان اشکال قانون جدیدک وضع ایتش اولدیغی اشکاله توافقی ایتماش اولسه دخی - معتبر وصحیح قالیر .

مقاولاتک شکلی .

ایکنجی فصل

اجرایه دائر تدابیر

Mesures d'exécution.

٥١ ماده : احکام قانونیه خلافتده بر حکم موجود دکل ایسه ، اشبو قانونک کسب مرعیت ایتدیکی تاریخندن اعتباراً ایالاتک قوانین مدنییه سی فسخ اولنمشدر . (م : ١٥٥) .

ایالاتک قوانین مدنییه سنک لغوی .

٥٢ ماده : ایالات ، قانوننامه مدینک اجرایی ضمنتده و خصوصیه حکومتلرک وظائف و احوال و اوصاف شخصیه حقنده ودوائرک تشکله و وصایته وسجل اراضیه متعلق قواعد

ایالاتک قواعد متهمه سی .

حقوق ووظائف .

متممیه یی وضع وترتیب ایدر . (م : ٤٠ ؛ ٣٦١ ؛ ٩٥٣) .

بوقواعد شورای هیئت مجتمعه نک تصدیقنه اقتران ایدر .

ایالاتك عدم
ترتيبى حاله قوه
تشریعه دن وضع
اولئان قواعد

٥٣ ماده : ایالاتدن بری ، وقت وزمانیه ضروری الایفا اولان قواعدك تنظیمنه ابتدار ایتمز ایسه ، شورای هیئت مجتمعه مقامنه قائم اوله رق موقتاً اوامر لازمه یی اصدار ایدر و کیفیتى مجلس عمومیه عرض ایدر .

برایالات ضروری الایفا اولمیان قواعد متممیه یی ترتیب ایتمك حقى اجرا ایتمز ایسه قانون نامه مدنى او خصوصلرده قانون حکمنده اولور .

(حکومت عاذه سی
تعبیرونك معناسی

٥٤ ماده : قانون نامه مدنى وظیفه دار « حکومت » تعبیرونك استعمال ایدر ایسه ایالات بونى حکومت موجوده میانندن ویا تأسیس وتنسیب ایدر جککری حکومتلر میانندن برینى ارانه ایدر لر . قانون کرک حاکمى و کرک حکومت اداریه یی صراحتاً ذکر ایتمه مش اولور ایسه ، ایالات بخیر اولوب دیرلر ایسه جهت عدلیه دن و دیرلر ایسه جهت اداره دن برحکومت ارانه ایلر لر . ٥٥ مادد : ایالات اجنبی لساننده سندات رسمیه تنظیمى حقنده رعایت اولنه جق قواعدى ترتیب ایدر .

شکل رسمى .

صوایله الیدر یلان
فابریقارک رخصتى (١)

٥٦ ماده : صوایله ایشلدیلان فابریقارک رخصتى ماده سنه دائر بر قانون یاپلنجه یه دکن قواعد آتیه نك تطبیق لازمدر .

اوتوز سنه ویا غیر معین برمدتله احواله ایدیلن عموماً عاذه صولر اوزرنده کی امتیازلر او اراضى لهنده کلفت اراضى تشکیل ایتوب بشقه جه دائمى حقوق نامیله سجل اراضى یه تسجیل اولنور . ٥٧ ماده : مجلس عمومى طرفندن بوخصوص حقنده بر قانون یاپلنجه یه قدر ایالات ، کندى دائره حدودلری داخلنده اقتصاد مؤسسانك دیپوزیتو اوله رق قبول ایتدکای اوراق نقديه و مطلوبات سائره سی اوزرینه امتیاز ویره ییلیر . بوامتیاز اشخاص ثالثه نك حقوقى صورت کفایه ده محافظه ایله برابر محدود و بوقانونك رهن منقول حقنده کی قواعدینه تابع اولیه جقدر .

اقتصاد دیپولرک
امتیازى .

بوامتیازى احداث ایدن احکام تطبیق اولنمى ایچون قانون شکننده صادر اولمى و شورای هیئت مجتمعه دن تصدیق اولنمى لازمدر . و او دخى خصوصیه اقتصاد و دیپوزیتوسنك فکر و تعریفنك صورت کفایه ده ایضاح ایدلسنه و امتیازله مکلف اولان سنداتك صریح و واضح صورتده تعریف اولنمى نظارت ایدر .

اقتصاد سندقلری اصولی بوبابده مجلس عمومى طرفندن بر قانون یاپلنجه یه دکن قوانین ایالاته تابع قالیر .

دیون و افلاس
تعقیباتى .

٥٨ ماده : دیونك تعقیبى و افلاس حقنده کی ١١ نیشان ١٨٨٩ تاریخلى قانون ، اشبوقانون نامه نك کسب مرعیت ایتدیكى تاریخندن اعتباراً بوجه زیر تعدیل اولنمى .

٣٧ : « استغلال » تعبیرونك بوقانونك مفهومنجه قوانین عتیقه نك استغلاللرینى و ایراد مکتوبلرینى و استغلال سندلریله اراضى کلفتلرینى و بعض عقارات اوزرنده کی امتیازات مخصوصه و برعقارک مشتملاتى اوزرنده کی رهنى متضمندر .

« رهن منقول » تعبیرونك بر کسه نك یدنده بولنان رهنى و حیوانات رهنى و حق حبس و مطلوبات و حقوق سائر رهنى تضمن ایدر .

« رهن » تعبیرونك کزجه استعمال اولندقدده ، بوندن هم منقول و هم غیر منقول رهنلر مراد اولنمى . شو قدرکه محصولات صاتیلمادن مقدم داین کندیسی صاتیلسنى طلب ایتمك شرطدر . ٤٥ : رهنلى قرضك صاتیشى ماده سنه دائر قانون نامه مدینك احکامى محفوظدر . (م : ٩٠٧ و الخ .)

٤٧ ، ٣ فقره : مع مافیه بر صنعتك ویا قانون نامه مدینك ١٦٧ نجى و ٤١٢ نجى ماده لری موجبنجه رخصت ویرلمش اولان بر صنعت تجاریه نك اجراسى ائناسنده عقد ایدیلن دیون ایچون مدیونك بالذات کندیسی علیهنده و صنعتى اجرا ایلدیكى محللرده تعقیبات اجرا اولنور .

٤٩ : ترکه تقسیم اولنماش و بر غیر منقسم شرکت ملك عقد ایدله مش ویا بر تصفیة رسمیه ایچون حکم صادر اولماش اولدینى مدتیجه ترکه علیهنده کی تعقیبات ، متوفانك حین وفاتنده کندیسنك تعقیب اولنه بیله جکی محله و آکا مخصوص اولان اصول محاکمه وجهله اجرا اولنور .

٥٢ ، ٢ فقره : قبل الوفاث باشلامش اولان تعقیبات ٣٩ نجى ماده موجبنجه ترکه علیهنده دوام اولنور .

٦٥ ، ٣ فقره : تقسیم اولنماش بر ترکه علیهنده تعقیبات اجرا اولنش ایسه ، اوراق دعوى ترکه نك نائنه یا اگر معروف بر نائى یوق ایسه ورته دن برینه تبلیغ اولنور .

٦٧ ، ٢ فقره : مدیونك اسم و اقامتکاهى ولدى الحاجه نائب قانونینك اسم و اقامتکاهى و ترکه دن واقع اوله جق مطالباتده تبلیغات اجرا اولنه جق محل و ورته نك اسمى بیان اولنمق لازمدر .

٩٤ ، ٣ فقره : عقار مکلفك اقسام متممه و غیر منفکه سندن اولوبده هنوز ادراک اولنماش اولان محصولات غیر منفصله اوزرنده داینلرک رهن عقارله تأمین اولنش حقوقى محفوظدر .

٩٦ ، ٢ فقره : حسن نیت صاحبى اولان اشخاص ثالثه طرفندن اکتساب ایدیلن تصرف محفوظ قالمق شرطیه . مدیونك اتمام ایتمش اولدینى امور تصرفیه سی حیز موضوعك داینلره بخش ایلدیكى حقوقنه ضرر ایراث ایتمش ایسه ، مذکور تصرف بومقداره قدر حکمسزدر .

١٠١ : بر غیر منقولك حیز اولنمى صاحبى عقار محجوزى نقل و تمليك ایتمکدن منع ایدر .

حجز ماده سی اشارت اولمقی اوزره نه مقدار مبلغ ایچون وضع اولمش ایسه ذکر ایدیلرک
سجل اراضی مأمورینه اشعار اولنور . کذلک یکی داینلر حجزه اشتراک ایتدکلرنده ویا حجز
نهایت بولدقده ینه اشعار واقع اولمقی لازمدر .

عقاره موضوع اولان حجز اشارتی یکی سنه دهک او عقارک صائلی طلب اولنماز ایسه ساقط اولور .
۱۰۲ : غیر منقول رهنه تأمین اولمش اولان اصحاب مطلوبک حقوقه خلل کلامک اوزره
عقارک حجزی آثار و حاصلات سائره سنی دخی شاملدر .

حجز دائره سی حجز موضوعی رهنه اصحاب مطلوبه ولدی الحاجه عقار مستأجرلری ایله چفتجی
مستأجرلره اخبار و عقارک اداره و زراعتنک ایجابی اجرا ایدر .

۱۰۷ ، ۵ فقره : زوجه قارشو وضع ایدیلن حجزده زوجه سی کندیسنک کتیردیکی اموال
اوزرنده اولان حقوقی استعمال ایده بیلیر . وقانوننامه مدینک ۱۴۶ نجی ماده سنک ۲ نجی
فقره سی بو خصوص حقنده تطبیق اولنه ماز .

۱۱۱ ، فقره : مدیونک زوجه سی ویا زوجی واولادی وایتامی ایله آنک وصایتی تحتند
بولان اشخاصک زوجیتدن ولایت ابوتدن ویا وصایتدن متولد مصلوباتسندن طولای مقدمه
تعقیباته حاجت اولقسزین قرق کون ظرفنده حجزه اشتراکه حقلمی واردر . فقط بو حق
یالکزر اگر حجز مذکور مدت ولایت ابوت ویا زوجیت ائناسنده یاخود زوجیت ختام بولدقده
ویا ایرتسی سنه ظرفنده وضع اولمش ایسه ، استعمال ایده بیلیر . بردعوانک رؤیتی ویا تعقیبی
ائناسنده مرورایدن مدت حسابیه ادخال اولنماز . مدیونک کیر اولادینک قانوننامه مدینک ۳۳۴ نجی
ماده سنه مستند اولان الاجقلمی ایچون هر زمان بلامقدمه تعقیبات حجزه اشتراکه صلاحیتلمی
واردر . مقام وصایت دخی اولاد وایتام و تحت وصایتده بولان اشخاص نامنه اوله رق حجزه
اشتراک ایده بیلیر .

۱۳۲ مکرر : غیر منقسم بر شرکت ملکک دین ایچون صائلی قانوننامه مدینک ۱۳۲ نجی
ماده سنه توفیق اولنور . قانوننامه مدینک ۳۴۴ نجی ماده سی محفوظدر .

۱۳۵ ، ۱ فقره : صائش مقاوله نامه سنده عقارک حاوی اولدینی هر کلفت ایله (حقوق
مجرده و اراضی کلفتلمی و استغلاللر و استغلال سنداتی و ایراد مکتوبلمی) برابر صائش اولدینی
و مدیونک شخصی تعهد و ذمتلمی مشتری به حواله ایدیلرک بیان اولمقی لازمدر . مع مافیه
بو وجهله حواله ایدن مدیون اصلیک استغلال و استغلال سنداتی ماده لرند تبریة ذمت ایتسی ،
مزایده نک قطعاً تقررندن برسنه ظرفنده داین طرفندن حقوقندن فراغت ایدیلرک چکنک مدیونه

بیان ایدیلرک مش اولسنه متوققدر . رهنه تأمین ایدلمش اولان معجل دیون حواله ایدلیوب ثمن
بیعدن ترجیحاً ادا اولنور .

۱۳۶ ، ۱۲ فقره : فسخ اولمشدر .

۱۳۶ مکرر : مزایده ایله ایدیلن مبايعه نک فسخ اولنه بیلیمسی بو بایده شکایت متوققدر .
۱۳۷ : ثمنک اداسی ایچون برمهل ویرلرکده ، ثمن ادا اولنجه به قدر مصارف و ضرر و خساری
مشتری به عائد اولمقی اوزره دائره طرفندن اداره اولنور . بو اتساده دائره دن اذنسز سجل
اراضی به هیچ برقید اجرا اولنه ماز . دائره مذکوره ثمن مبیع ایچون تأمینات مخصوصه دخی
طلب اولنه بیلیر .

۱۳۸ ، ۱ فقره : یالکزر قوانین ایالتک تطبیق اولنمی لازم کلدکده ، بو اخطار حقوق
مجرده لری اولانلرده تبلیغ اولنور .

۱۴۱ ، ۳ فقره : درجه و صهره سی مقدم اولان اصحاب مطلوبدن برینک رضای اولقسزین
مذکور عقار برکلفت و برحق مجرد و برکلفت اراضی ایله اشغال و تکلیف اولمش ایسه ، بوداین کلفتک
بیان و عدم بیانیله او عقارک مزایده به وضع اولنمی طلب ایده بیلیر . اگر کلفتله برابر صائیلان
عقارک ثمنی بونک حقنی ایفایه کفایت ایتیه چک اولور ایسه ، او وقت بوداین مذکور عقار کلفتدن
تخلیص اولندقده دهها زیاده فیأله صائیلر جفتدن بختله کلفتک رفعی طلب ایده بیلیر .
داین استیفای حق ایتدکدن صکره ، فضله قالیر ایسه یکی کلفتک تقدیر اولنه حق قیمتی مقداری
عقارک صاحبه تخصیص اولنور .

۱۴۳ مکرر : عالمه ملجاسنه دائره قانوننامه مدینک احکامی وایالاتک قواعد متممه سی محفوظدر .
۱۵۰ ، ۱ فقره : تمامیه استیفای حق ایدن داین سندینی بالابراز مدیون ایچون دائره به
اعطایه مجبوردر .

۳ ، فقره : اگر عقار ایسه صائش معامله سنی اجرا ایدن دائره حقوق مجرده و اراضی کلفتلمی
ورهان غیر منقوله قیودینک ترقین و نقلیات معاملاتنی ایفا ایدر .

۱۵۲ ، ۲ فقره : اگر مأجور عقار ایسه ، تعقیبات دائره سی مستأجرلری ایله چفتجی مستأجرلری
خبردار ایدر .

۱۵۳ ، ۳ فقره : قانون مدینک ۸۲۸ نجی و ۸۲۹ نجی ماده لری موجبجه رهنک فکی
معامله سنه شروع اولندقده ، فک رهن محاکمه سنک ختامندن صکره داین مذکور عقارات اوزرنده
درست تعقیب بولنان مطلوبنی تأمین ایدن بر رهن غیر منقولی دهها بولندیغنی مؤید دائره به دلیل
ابراز ایدر چک اولور ایسه انجق بو تقدیرده مذکور عقار صائیلر بیلیر .

۱۵۸، ۲ فقره: تركه لك تصفيه رسميه سى حقنده كى قواعد محفوظدر.

۱۶۲۰۸ فقره: مفلسك عقاراته ترهين ايدلمش اولان ديونى مستننا اولق اوزره، افلاسك كشاديله ديون سائرهمى معجل اولور. يوم كشاده قدر ايشانمش فائض و مصارف رأس الماله ضم اولنور.

۲۱۹، ۳ فقره: تأمين اولنمش اولان مطلوباتك درجه و صرهمى و برده بوتأميناتك مع فائض متفرعات سائرهمى ششملى خصوصلى رهن منقول حقنده كى احكامه توفيقاً تسويه اولنور.

ايجنچى صنف (۱)، ۳ فقره: مقام وصايتك اعضاسى صفتيله تولد ايدن مطلوبات وصيتك ويا ولايت ابوتى اجرايه مأمور اولان كسمنك مسئوليتندن منبعث مطلوباته تمثيل و تشبيه ايدلمشدر. (م: ۱۲۶؛ ۴۳۰) مع مافيه بالاده مذكور مهلت نظر اعتباره نماز.

دردنجى صنف: زوجيت اصوله تابع اوله رق كتيردىكى اموالدين موجود اوليانلر ايجون زوجهنك آرامغه حق اولان مطلوبك نصفنى كرك كتيرمش اولدينى اموالك نصفندن عينا اخذ و كرك كنديسك تأميناتك صالشي ائمانندن قبض ايدمى شيلر تنزيل اولنور. (م: ۲۱۱؛ ۲۲۴).

۲۵۸، ۴ فقره: ۱۴۸ نجى مادهنك ۳ نجى فقرهمى تطبيق اولنور.

۲۵۹: ۱۳۸ نجى؛ ۱۲۹ نجى؛ ۱۳۴ نجى؛ ۱۳۵ نجى؛ ۱۳۶ نجى؛ مكرر ۱۳۶ نجى؛ ۱۳۷ نجى و ۱۴۳ نجى مادهلر احكامى صالشي مقاوله نامه سى شرائطه تطبيق اولنور. دائره محول اولان مأموريت افلاس دائره سى طرفندن اجرا اولنور.

۲۶۰ مكرر: قانوننامه مدنك عائله ملجاسى حقنده كى احكامى و ايلاتك قواعد متممه سى محفوظدر.

۲۹۶: تأخير افلاس قرارى حكى لازم الاجرا اولنجه اعلان و كرك تعقيات اداره سى و كرك سجل اراضى مأمورينه اشعار اولنور.

۳۰۸؛ ۱ فقره: اعلام لازم الاجرا اولنجه همان مذكور اعلان و اداره سى و سجل اراضى مأمورينه تبليغ اولنور.

۵۹ ماده: اسويچرده توطن ايدن ويا آخر محله بولنان اسويچره تبعه سى حقوق مدنيه سى مناسباته دائر ۲۵ حزيران ۱۸۹۱ تاريخلى قانونك ممالك اجنيه ده كى اسويچره ليلر و اسويچرده كى اجنيلر حقنده كى احكامى و برده اختلاف قوانين ايلات احكامى دوام ايدر.

بالخاصه قرن داش و قيز قرن داشلرك ويا بونلرك فروغنك حصه ارثيه محفوظه سى دائر ايلاتك

۸: اسويچره و اجنچى قانونلرينك تطبيق.

قواعدى ايلات اهالى سى ايجون محل ولادتك قانونى كى عد اولنور. (قانون مذكورك ۲۲ نجى ماده سى) (م: ۴۷۲).

۲۵ حزيران ۱۸۹۱ تاريخلى قانون بروجهر اكمال اولنمشدر:

۷، ۴: تباعيتى ونده اقامتگاهى تحق ايمه بن اشخاص حقنده اسويچره حقوق مدنيه سى جاريدر.

۷، ۲: حقوق مدنيه نك استعمال و تصرفنى حائر اوليوبده اسويچرده اجراى معامله

ايدن بر اجنچى، التزام و تعهد ايتدكارى زمان اسويچره قانونى موجب جه اهليت مدنيه ني حائرايدى ايسه، آرتق اسويچرده كندى عدم اهليتنى درميان ايدمى (د: ۲۲۲).

بوقاعده حقوق عائله و ميراث و ممالك اجنيه ده كائن تصرف املاك خصوصاتى دائره سى داخل اولان اموره شامل دكلدر.

۷ (۳): بر ويا هرايكيسى اجنچى اولان ايكي كشتى بپتنده عقد اولنان نكاح ماده سى هربرينك منسوب اولدينى قانون مليسيه فصل ورؤيت اولنور.

اسويچرده عقد ايديله جك رسم نكاحلرده رعابت اولنه جق صورت و شكل اسويچره قانوننه تابعدر.

۷ (۴): ممالك اجنيه ده اسكان ايدن هراسويچره لى اسويچرده تاهل ايدمى بيلير.

اعلانات لازمه سى محل تولدى اولان سجل نفوس مأمورندن طلب ايدر.

۷ (۵): اسويچرده اسكان ايدن بر اجنچى اسويچرده تاهل ايتك ايستر ايسه، تاهل ايتك

ايجون اقامت ايلديكى ايلاتك حكومت جرائيه سندن مأذونيت استحصال ايلدكدن صكره اعلانات لازمه نك اجراسنى كنديسك اقامتگاهى محللك سجل نفوس مأمورندن طلب ايدر.

اجنينك نشأت ايتديكى دولت، كندى تبعه سى ازدواجنى و بونك حصوله كتيه جكى بالجمله احكامنى طانيه جغنى بيان ايتدكده، بو مأذونيت رد اولنه ماز. حتى بومثللو برياننامه نك فقدانى حالنده دخى مأذونيت ويريله بيلير.

۷ (۶): اسويچرده قامتگاهى اوليان بر اجنچى، بونكاحك هرا حكاميله طانيه جنى كنديسك

نشأت ايلديكى دولت طرفندن ويريلن بياننامه دن اكلاشيلور ويا ديكر بر صورته تحق ايدر ايسه، نكاح معامله سى اجرا ايديله جكى ايلات حكومتك ويرديكى رخصت اوزرينه اسويچرده تاهل ايدمى بيلير.

۷ (۷): زوجين، محضا اسويچره قانوننده بيان اولنان اسباب مفسوخيتدن قاچيرمق نيت

ظاهره سيله ممالك اجنيه ده عقد نكاح ايتمش اولدقچه، اوراده مرعى اولان قانونه توفيقاً اجرا اولنان رسم نكاح اسويچرده معتبر و مقبولدر.

اجنبینک منسوب اولدینی قانون موجنبجه غیر صحیح اولان بر عقد نکاح، اسویچره قانونی موجنبجه مستلزم فسخ دکل ایسه فسخ اولنه ماز .

۷ (۸) ممالک اجنبیهده ساکن اولان بر اجنبی کندی محل ولادتک حاکمی حضورنده طلاق دعواسی اقامه ایده بیلیر.

بو خصوصده یالکز اسویچره قانونی قواعدی تطبیق اولنور.

کندی اقامتگاهلرنده مرعی اولان قانون موجنبجه وظیفه دار اولان حاکم طرفندن زوجینک تطبیق حکم واعلام اولندقد، - بو طلاق حتی اسویچره قانونی احکامنه توافق ایتیه جک اولسه دخی، - اسویچرهده مقبول و معتبردر .

۷ (۹) : اسویچرهده ساکن اولان زوجیندن بری، اگر نشأت ایتدیکی مملکتک قانونلرینه ویا محاکمی اجتهدینه نظراً در میان ایلدیکی طلاق سبینک مقبول بولنش ایدوکنی واسویچره نك حق قضایی طانمش اولدینی اثبات ایدر ایسه، اقامتگاهنک حاکمی حضورنده طلاق دعواسی اقامه ایده بیلیر.

اگر سبب طلاق، اسویچره قانونجه مقبول اولوبده بو قانونک زوجین حقنده مرعی اولیان برهنکامده وقوعه کلش ایسه، بودعوانک اقامه اولنه بیلیمسی ایچون مرقومانک منسوب اولدقبری دولت قانونجه دخی مذکور موجب طلاق اولق شرطدر .

۷ (۱۰) : اسویچرهده اجانبه متعلق یا خود ممالک اجنبیهده اسویچره لیلره دائر دعاوی واعلامات تطبیق ایدیلن قانونک کوسترمش اولدینی مساغنه کوره طلاق ویا تفریق بین متضمن اوله بیلیر. طلاق حقنده جاری اولان قانون، تفریق بین ماده لرینه دکن هب قوانین اجنبیه نك بونلره معادل احکامی کبی تطبیق اولنور.


۶۰ ماده : اشبو قانونک موقع اجرایه وضع اولدینی کوندن اعتباراً هیئت مجتمه نك بوکا مخالف اولان بالجله قوانینی مفسوخدر.

خصوصیه مجلس عمومینک احوال مدنیة شخصیة ونکاح حقنده کی ۲۴ کانون اول ۱۸۷۴ تاریخلی واهلیت مدنیة حقوقیه حقنده کی ۲۲ حریران ۱۸۸۱ تاریخلی قانونلری و برده دیوانه دائر ۲۲ حریران ۱۸۸۱ تاریخلی قانوننامه سی فسخ اولنشددر .

(مابعدی وار)

سلانیک استیناف محکمه سی اعضای سابقه سندن دعوی وکیل

نظرت مایه رابه



اعلان

درسعادته نشان طاشنده احمد افندی زقاغنده مقیم دیوان محاسبات رئیس سابقی راسیخ دینو افندی ایله سلفکة قضاسنه تابع تکفور و قیونجی و پرسندی و خرق آردسی وایده مال طورزه قریه لری اهاالیسی میانه سنده متکون مرعی دعواسنه دائر آتیه استیناف محکمه سندن ۱۳ کانون ثانی ۳۲۶ تاریخلی و قرق درت عددی ایله ویریلان اعلامک تقضی حاوی محکمه تمیز حقوق دائر سندن صادر اولان ۱۲ تموز ۳۳۰ تاریخلی و آلتی یوز آلتیش یدی نومرولی اعلامک برقطه صورتی لاجل التبلیغ مومی ایله راسیخ افندینک اقامتگاهنه کوندلرش ایسه ده افندی مومی الیهک سکر ماه مقدم مع عائله طشره یه کیدوب کیتدیکی محکک دخی مجهول وسکر آیدنبرو خانه سنک بوش بولندیکی محله مذکوره مختارانی طرفندن اولبابده کی تبلیغ مضطه سی ظهرینه یازیلان شرحدن آکلاشلمش اولغله برابر افندی مومی الیهک آتیه ده وکیل اولان لامع افندینک دخی تبلیغ مآذونیتی اولمادیغندن بحثله مذکور اعلامی قبول ایتماش اولدینی بالخبره تحقیق ایتیش اولمسنه مبنی اصول محاکمه حقوقیه قانونک یوز اوتوز آلتیجی ماده سنک معطوف علیهی اولان یکریمی آلتیجی ماده سی حکمه توفیقاً مذکور اعلام محکمه دیوانخانه سنه تعلیق ایدلش اولدینی کبی کیفیت غزته ایله ده اعلان اولنور .

مذرجات

۲۰ شباط ۱۳۳۰

قسم رسمی

تحریر
نومروسی

۶۶۰۱ ۳۳۰	۱ شباط	(۱) —	نومبریات عدلیه
۶۶۰۲ ۳۳۰	۵ شباط	(۱) اصول محاکمات شرعیه دایر	قوانین و نظامات
۶۶۰۳ ۳۳۰	۱۲ شباط	(۱) رؤی اداره سنجه ویریلان استدعا - لر دن قیدی خرجی	تبدیلات عمومی
۶۶ ۳ ۳۳۰	۲۱ نیسان	(۱) نصاب شهادت	محکمات تعیین حقوق دایره سی مقرراتی
۶۶۰۵ ۳۳	۲۸ جزیران	(۲) قلعك ارضه مضرت اولدینی تحقق ایتمکسین مستحق القلع ابنیه نك قیمتک استیفاسی	»
۶۶۰۷ ۳۳۰	۲۱ کانون ثانی	(۳) تداول ایدی قیدینک استعلامی	»
۶۶۰۹ ۳۳۰	۲۴ کانون ثانی	(۴) ترکدن بری علیینه اجرایه وقوعبولان مراجعت بالعموم ورثه حقنده مرور زمانی قطع ایدر	»

صغيفه
نومروسی

٦٦١١	٣٣٠	٣	تشرین اول	{ (١) صلح محکمه سی مقرراتی علی استیناف محکمه سی درجه ثانیه ده رویت ایدر	محکمہ نمینز استندعا دأره سی مقرراتی -
				(٢) ساخته لکی هنوز تبین ایتموب و ثائق	»
٦٦١٢	٣٣٠	٦	تشرین اول	{ رسمیه دن معدود اولان سندہ قارشو مجرد شهودك شهاداتی تحدید جزایه کافی دکلدر	»
٦٦١٣	٣٣٠	٥	شباط	{ (٣) حقوق عمومیه دعواسیله اقامه ایدلش اولان حقوق شخصیه دعواسنك برلکده بالرؤیه قراره ربطی لازمدر	»
٦٦١٤	٣٣٠	١٠	شباط	{ (٤) کفالت ایقچه سی حقنده و بریلان قرارك قابلیت استینافیه سی	»
٦٦١٥	٣٣٠	١٠	شباط	{ (٥) هنوز بیخیمه مش اولان محصولاتی قطع و تلف ایتمك	»
٦٦١٦	٣٣٠	٨	شباط	(١) اسباب مخففه تقدیریه	محکمہ نمینز جزا دأره سی مقرراتی -
٦٦١٨	٣٣٠	٨	شباط	{ (٢) بلااتهام یالکنز مجالس اداره قراریله احرای محاکمه قابل دکلدر	»
٦٦١٩	٣٣٠	٨	شباط	(٣) یوز سکسانجی ماده قانونیه	»

قسم غیر رسمی

مقالات

وکلای دعاویدن نظرت خاچریان افندینک

اسویمجه قانوننامه مدنیسی [مابعد]